

諸司使部

宣慰使 宣撫使 安撫使 經畧使 留守

按察使 轉運使 勸農使

諸提舉部

提舉 諸鹽使

副使 全管勾
諸鹽場管勾

諸茶場使

副使附

時文外集

加

165760

346



160
46

東坡詩
字校圖

新編古今事文類聚外集卷之七

南江 富大用 蔚可 編

金陵 唐富春 子和 刊

宣慰使

宣慰使

歷代沿革宣慰使始於國初元和置州府皆設軍州宣慰使後
始置宣慰使大率皆方不遠則遠置宣慰使宣慰使之職有
使使之名國郡宣慰使以宣慰使為名也宣慰使之職
宣慰使之職宣慰使之職宣慰使之職宣慰使之職宣慰使之職

新編古今事文類聚外集卷之七

南江 富大用 時可 編

金陵 唐富春 子和 刊

諸使司部

宣慰使

歷代沿革宣慰使始於唐初元和置淄青兗豫等州宣撫使後始置宣慰使大率藩方不靖則遣重臣宣諭慰安之故有宣慰使之名宋置宣諭使以宣諭德意為職而已不與軍事無宣慰官元沿唐制置宣慰使副使斷事官經歷知事等員

古今事實

利
268
39



持節直入

徐州張建封卒兵亂囚監軍逼建封子愔主軍務帝以李鄴剛
敢拜宣慰使持節直入其軍大會士諭以禍福出監軍獄中脫
桎梏使復位愔即上表謝罪稱留後鄴曰非詔命安得輒稱之
削去乃受既還稱旨遷郎中

行營回詰

憲宗因淮西久未成功遣尚書左丞許孟容行營宣慰令回詰
責光顏重胤一月內賊平

宣慰河北

王縉祿山亂擢太原少尹佐李光弼以功加憲部侍郎遷兵部
史朝義平詔宣慰河北還有旨俄拜黃門侍郎同平章事鎮河

東節度本傳

宣慰魏博

田弘正圖魏博相衛具漕之地籍其人以獻憲宗笑其誠詔充
魏博節度使又遣裴度宣慰度明辨具陳朝廷厚意弘正不覺
自失乃深相結納奉上益謹復請度徧行其部宣示天子恩詔
魏人由是歡服又裴度至魏博宣慰以錢百五十萬緡賞軍士
六州百姓給復一年軍士受賜歡聲如雷並本傳

馬總副裴度

馬總副裴度宣慰淮西吳元濟擒為彰義節度留後蔡人習偽
惡相掉許獮戾有夷貊風總為設教令明賞罰磨治洗汰其俗
一變本傳

巢父見田悅

孔巢父為魏博宣慰使巢父辨而才及見田悅與言君臣大義利害逆順時悅久不臣喜曰不圖今日還為王人酒中悅起自陳騎射且曰陛下見用何敵不摧巢父曰若爾不早引歸乃一劇賊耳國方多虞待子而息數日田緒殺悅遂與大將邢曹俊等聽命巢父即以緒權知軍務紓其難

無若孟陽

唐憲宗詔潘孟陽往江淮察諸使治石孟陽所至流連倡樂招金錢其後鄭放宣慰江淮帝譏之曰無若潘孟陽殫才費辭飲游山寺而已

卒害真卿

盧杞德宗時拜同平章事既得志險賊浸露賢者媚能者心小忤已不傳死地不止李希烈反杞素惡顏真卿挺正敢言即令宣慰其軍卒為賊害李揆有雅望畏復用遣為吐蕃會盟使卒于行天下無不痛憤以杞得君故不敢言本傳

宣撫使

歷代沿革唐元和十四年淄青兗鄆等十二州平詔戶部侍郎楊於陵以本官充淄青等宣撫使宗祖宗時不當置有軍旅太事則命執政大臣為之累朝但除向文簡范文正富文忠文忠烈韓獻肅五人仁宗征懷智高以狄青為宣撫使武臣宣撫自此始建炎三年張魏公以知樞密院為宣撫處置使其後杜承

相周仲弼孟嘗又趙元鎮虞樞甫王公明鄭仲一沈德之輩皆
 自二府出為之虞公始以元樞除大資政矣上恐未足為重後
 三日乃復帶知樞密院事焉若前宰相為宣撫則自渡江已後
 亦止除李伯紀呂元直朱藏二三人紹興元年劉光世以使相
 宣撫淮南武臣非執政而為之自此始二年李泰發以端明殿
 學士為壽春等州宣撫使文臣非執政而為之自此始然自紹
 興至嘉泰武臣止劉光世韓世忠張俊岳飛吳玠從官止李光
 發王伯似二人蓋重之也元仍唐宋制置之

古今事實

便宜行事

樞密直學士明鎬討具州未下參知政事文彥博請自往督戰

以彥博為河北宣撫使彥博奏今在軍中請得便宜從事上許
 之閏月克具州擒王則涼水記聞

節制諸將

鄭剛中字亨仲為川陝宣撫副使節制諸將極其尊嚴二都統
 每入謁必先庭揖然後就坐及吳玠升檢校少師來謝語主閣
 吏求講釣敵之禮剛中曰少師雖尊猶都統制耳倘變常禮是
 廢軍容玠惶恐聽命中興係年錄

活飢民

慶曆二年韓琦宣撫陝西屬歲大飢羣盜嘯聚悉討平之是歲
 河中同華等十餘州飢民相率東徙選官發省倉以賑之蒲華
 同三州所活百五十四萬餘人他州稱是召琦歸缺編年備要

修軍政

虞忠肅公允文為四川宣撫首効大將任天錫劍下為苞苴又効守令劉洪宋琛等十一人之病民者又薦可為將帥三人進偏裨二百餘人諸軍歡呼四蜀交賀於是開公平之路絕請謁之私而軍政修矣言行錄

智高戰敗

狄武襄公青廣源州蠻儂智高叛連破七州仁宗遣青為宣撫使率眾擊之至賓州時儂寇還守邕州青懼崐崙關為所據乃下令具五日糧休士卒賊謀知不為備是夜青率眾半夜度崐崙關近邕州賊方覺逆戰於歸仁鋪賊遂大敗

忠彥械誅

李綱字伯紀為湖廣宣撫使有統制官張忠彥者駐軍廣州頗擾一路公為宣撫使召之不來公察忠彥樂為郡檄令權知岳陽忠彥果至即械送所司取旨誅之並同上

僉書出鎮

治平三年以僉書郭達宣撫陝西判渭川上曰第領樞職獨重使權自呂余慶以叅知政事知成都其後見任執政無守藩者至達始以僉書出鎮編年備要

御殿置宴

咸平三年詔兵部侍郎叅知政事向敏中充河北東路沿邊宣撫大使樞密直學士馮極陳堯叟充副大使巡按郡國存問官吏將校耆老百姓等真宗御長春殿置宴以遣之

就拜平章

韓康國公絳熙寧二年夏羌大入慶州境以公為陝西宣撫使
自受命至陞辭三日而行贈金繒及織文袍纜至邊悉與將吏
治兵郵延使和諤出青澗城公欲自高奴通道河東詔兼河東
宣撫使就拜同中書門下平章事言行錄

功出儒者

虞忠肅公允文字彬父逆亮叛順王權失律公以宣撫視師江
上大破賊軍逆亮遁入揚州是日李顯忠至公曰京口無備我
欲往公能分兵見助否顯忠即分李捧軍一萬六千人及戈船
百艘會于京口公至京口謁劉錡錡曰朝廷養兵三十年我輩
一技不施今日大功乃出於一儒者我輩愧死矣同上

古今文集

古詩

和錢王駿巡邊

張說

六月歌周雅二邊詭夏卿欲施攻戰法先作簡稽行禮樂知謀
帥春秋識用兵一勞堪定國萬里即長城策布和戎利威傳破
虜名軍前雨洒道樓上月臨營別藻羅華降同衣錦襍榮關山
由義近戈甲為恩輕絲竹路傍散風雲馬上生朝廷為吉甫邦
國望君平

律詩

送鮑中丞赴太原

盧綸

暫趨西掖望全解北門憂專幕臨初護親營制督郵

送范司空赴朔方

呂溫

築壇登上將滕席委前籌虜滅南侵趾朝分北顧憂抗旌迴廣漢撫劔動旄頭

安撫使

歷代沿革梁武帝普通六年魏以鄆道元為大使慰撫六鎮大使始此隋文帝開皇九年詔遣柱國韋洸安撫嶺外又仁壽四年以楊素為并州道行軍總管河北道安撫大使唐正觀初遣大使十三人巡省天下諸州水旱則有巡察安撫存撫之名節度使兼之則有副使天授二年發十道存撫使聖曆中狄仁傑為河北道安撫德宗正元又置副使宋舊不常置自咸平二年以翰林學士王欽若為四川安撫使知制誥梁顥為陝西安撫

使安撫使之名始此其後景德三年始置河北沿邊安撫使以雄州守臣為之而陝西沿邊諸州亦有安撫使慶曆二年詔置湖南安撫司八年詔置河北四路安撫以韓琦王拱辰賈昌朝等充諸路使皇祐四年詔廣桂二州帶經略安撫使熙寧五年罷諸路經略安撫司崇寧二年置河南安撫使宣和二年置輔郡內穎昌府帶京西安撫使宣和二年臣僚言睦賊猖獗乞以杭越知州兼本路安撫鎮撫一方詔杭越州江寧府守臣並帶安撫使詔洪州守臣可依江寧府安撫使凡諸路安撫逐州知州兼以直秘閣以上充掌總護諸將統制軍旅察治姦宄以肅清一道凡兵民之政皆掌焉帥其屬而聽其獄訟頒其禁令定其賞罰稽其錢穀甲械出納之名籍其行以法若事難專決則

具可否稟奏即于機速邊防及士卒抵罪則聽以便宜裁斷係
邊任則緩御夷狄撫寧疆圉若甲兵屯戍芻粟餽運則視其緩
急盈虛而移用之掌凡戰守之事建炎元年李綱請沿河沿淮
沿江置安撫使兼馬步軍都總管以文臣充二年令將兵處知
州帶管內安撫使後省四年置鎮撫使罷逐路安撫使後罷鎮
撫使置安撫使如故時諸路又有安撫大使自兩浙西路劉光
世始二品以上為帥即為安撫大使元有安撫使又有副使正
使正三品副使正四品

羣書要語內有百揆四岳外有州牧侯伯書藩侯詩千里之外
設方伯記受瑞析圭建麾作牧文選當藩垣屏翰之任有失
鈇鉞之權韓文送俱文珍序五都伯長送張章子序方州大臣

答元侍御書大夫烏公以鈇鉞鎮河陽送温造序來帥能熊四

方作儀連理木頌出岳政入填邦紀惠文太子冊繫我輔臣

伯茲列岳冊尊號赦尹正大都節度羣州皇甫湜荆南判官廳

壁記大旆高牙任雄節制楊億代表代荷寵榮謬居垣翰李師

道詔無安帥節之樂猶侍衮衣之選韓琦判相州制

詩句印綬歸台室旌旗別將壇韓愈李十八次襄城分闡救世

用賢蒙趙公王立高歌起杜近來廊廟多西帥出相誰言只在

東楊誠齋送丘審帥蜀西蜀宣威百萬兵會須號令自精明同

上京兆從教思廣漢會稽聊喜得方回東坡送錢穆父守越

古今事實 士服威愛

程務挺以左衛大將軍為單于道安撫大使禦突厥務挺善綏士服其威愛突厥憚不敢寇邊唐會要

帝稱文武

儀鳳二年詔裴行儉為安撫太食使歸至京師將更為刻石碎葉城紀功帝勞曰行儉提孤軍深入萬里兵不血刃叛黨禽夷可謂文武兼備矣職林

乞赦脅從

狄仁傑字懷英突厥入趙定標掠遁去拜仁傑河北安撫大使時民多脅從於賊仁傑願曲赦河北一切不問詔可同上

許以便宜

馬儉為拜州道安撫大使許以便宜

全活飢民

韓魏忠獻王琦益利路人飢為體量安撫使公至則蠲租減稅以募入入粟招募壯者刺以為廂禁軍檄劍門關民流移欲東者勿禁全活飢民百九十萬蜀人曰使者之來更生我也

體量官吏

范雍充陝西沿邊州軍體量安撫使詔所至察訪邊民利害及體量官吏能否會要

大修戰陣

錢若水撰劉肅公珙謚議公鎮江陵條上兵少才匱之狀除去詭名虛籍之弊大修部伍戰陣之法且謂襄陽兵戍久屯不歸為不使則立番休之制軍情大悅

大戢驕兵

程明道撰彭思永行狀云河朔謀帥以公鎮高陽時狃於承平治兵者鮮明紀律公為帥方重嚴正犯者頗以兵法從事驕兵大戢

錄問繫囚

咸平三年以翰林學士王欽若為并州道安撫大使知制誥梁顥為陝西路安撫使所使錄問繫囚真宗諭之曰朕觀省風俗尤難其人數日思之無易卿等各宜宣布德澤使知朕勤恤意惠愛百姓

張忠定公壽外和內剛臨事有仁者之勇在蜀四年尤著惠愛百姓皆畫像以事後帥李瓌贊云公昔在蜀于載一人公今去

蜀千百其身願公再來以慰斯民蓋實錄也 周益公集

到部賑貧

韓康國獻肅公絳字子華江淮兩浙歲飢以公體量安撫江夏東西二路到部則發倉廩賑貧之問百姓疾苦

畫策弭盜

宰執奏福建安撫葉夢得措置弭盜之事上曰盜之竊發多緣守令非人培克所致宜令帥司條具凡有害於民者除之自此公或招或捕或誘之相戕三策並用 莫濬撰葉夢得行狀

畫像立祠

韓魏公所歷諸大鎮皆有遺愛人人畫像事之獨魏人立生祠為塑像歲時瞻莫比狄梁公戎狄尤畏公名凡使契丹及來使

者必問韓侍中安否言行錄

渡道拜泣

許汾知鄧州兼荆南西路安撫使政尚寬簡務為勸戒而人盡其情庭無留訟蓋一本於誠信故人愛服之在鎮四年一路獄空者八十縣鄰路飢流詔公賑濟活二萬六千九百有奇去之日百姓遮道拜泣比之召父杜母而立祠于堂許龍圖行狀

錄諸將功狀

劉忠肅公珙巨寇李金奮起為亂以公為荆湖南路安撫使公入境賊眾已數萬公檄鄰道謹斥埃守隘塞亟奏請下荆襄發卒又遺書制置使沈介請毋須報而亟遣介為遺兵官軍日盛而賊勢日衰於是賊徒執李金以降苗黨盡戮既乃錄諸將之

功狀列上不以一毫有所私上嘉嘆再三璽書褒美朱晦菴撰行狀

薦諸將可用

王文忠公堯臣元昊反以公為陝西體量安撫使視四路山川險易還言某路宜益兵若干某路賊所不到某路宜急為備至於薦諸將其可用者二十餘人後皆為各將言行錄

古今文集

雜著

代裴相公讓河南府道副元帥表

常袞

伏以東征之寄相宅之選皆周召之臣保釐綽一也故二南風化見美詩人况洛邑經陸渾之戎有舊染之俗賴陛下發皇明以燭之布陽和以煦之流散稍歸傷痍甫起然猶師居之任宜

得經濟之才自河而南至于吳楚節制戎律半於天下非宏略傑出功冠一時不可以專五侯九伯之征總衣裳兵車之會臣以衰朽薄劣待罪台司塵辱尸忝無裨朝政每趨宸陛益愧周行豈謂殊常之恩屢出非望注意之責并在微軀憂懼慙惶寸刻難措臣聞唯名與器不可假入審已量力未宜虛授若貪榮冒寵黽勉苟容神明昭昭必速其害伏望歷求百辟委之兼才以分一老之任用增九鼎之重則至公大行羣下知勸無任懇迫之至

辭免知福州安撫狀

真德秀

視邦選侯無越帥藩之重臨入蒞政莫如鄉部之難兼此寵第惕焉震懼伏念臣材非敏銳學最空疎兩朝千載之逢藉誇華

顯一節四麾之寄茂著勞能自撫舊邦偶承極弊邑有積年之預借州無旬日之宿儲重以公姓實蕃廩祿弗繼內循薄技既初無鞭箠之長俯眠窮疇寧忍用箕歛之術輒效求芻之義肩于行葦之仁天憫皇宗歲頒僧牒獲少寬於憂窘方勉竭於撫摩粗銷田里之歎愁即丐山林之間散未能底績遽已饜恩陞近職於文謨付中權於閩服顧慙謏陋曷稱褒遷不稼取禾難道公言之誥維桑與梓更虞本道之嫌敢瀝忱辭冀回渙渥

論帥臣不可輕出

樓鑰

臣竊惟諸道置帥官稱安撫兼兵民之權有分閩之制朝廷選擇甚重不輕比年以來遇有盜賊竊發州縣所不能制者必使帥臣親行雖多成功臣竊慮此水旱飢饉既不能免潢池弄兵

安保其無若自此以為故事帥臣動輒臨戎恐非國家之長策也仰惟神宗皇帝垂意邊事由漠深遠乃熙寧九年知成都府蔡延慶言乞發陝西兵援茂州俟兵集自將以往令轉運司攝府事詔朝廷已遣將部兵延慶務在持重毋得輕去成都元豐六年河東經略司言西賊入麟州神堂寨知州管虎等領兵出戰有功詔虎自今毋得輕易出入遇有寇邊止令裨將出兵擒逐神宗之慮深矣蓋帥守之臣民之司命一有失宜眾心易動當令指授方略調度軍食持重鎮撫以靖一方雖有桎梏根本不搖若使輕出利害實大蓋帥臣之行建牙郊野堪戰之士咸在行陣從行兵卒必是單弱而又隨宜遷次登陟險隘有黠桀之盜伏隱篁竹乘間提出以犯大帥之顏行則賊勢易張國

威難振倉卒之頃可勝言哉故延慶有請既拒而不從管虎成功亦因以切戒此臣平日之所慮適合信使之所傳無事而言似非時務愚者一得願效君前伏惟俯矜微愆曲留宸念臣甚

古詩

呈王中丞廬院長

韓愈

聲名動朝闕光寵耀京洛旁午降絲綸中堅擁鼓鐸江淮永清晏宇宙重開拓印從負鼎假門為登壇鑿再入更深巖又逢彌蹇謬實筵盡孤趙舞騎多衛霍帶垂蒼玉佩轡盛黃金絡五門氣爭呼六奇心運度

送薛穎叔帥鳳河

蘇子瞻

西方猶宿師論將不及我苟無深入計緩帶我亦可我欲歌杖

杜楊柳方婀娜邊風事首虜所得蓋么麼願得魯連客一射聊城筇

送元厚之帥福州

王介甫

元侯文章翁更以吏能著今為大帥府千里來赴愬銜詔出黎嶺方為遠人慕旌旗滿流水冠蓋東門駐

律詩

聞晉公自蔡州入觀

韓愈

南代旋師太華東天書夜到冊元功將軍舊歷一司貴相國新兼五等崇

贈淮西賈兵馬使

釋清江

破虜功成百戰場天書新拜漢中郎映門旌旆春風起對客絃

歌白日長

送鄧漕移帥揚州二首

周必大

碧幢紅旆擁西風幾點淮山落眼中臥轍正看留使者褰帷早已識元戎兒童騎竹迎并牧父老封棠記召公人望汲卿居禁闥淮陽只恐又匆匆

聞道維揚地望雄風流人物似江東六龍前日臨淮海五馬由來說醉翁璧月幾橋留夜色珠簾十里待春風遙知九日平山會笑插茱萸滿鬢紅

留別金陵韓帥

周必大

十二麟符玉截肪腰間仍映帶圍黃化行江國春常早訟息階除日自長槐影緩趨三接畫棠陰先滿十連堂子淵去踏長安

道待賦中和奏未央

再展賓筵又一暮。千金敝帚賴提撕。泮宮正采僖侯藻。太學俄
甘吏部羹。人似塞鴻春向北。心隨江水日潮西。太平勲業須公
助。不用頻年戀節旌。

送廣帥秩滿之官丹陽

楊廷秀

北門臥護要耆英。小試胸中十萬兵。天借金山陰落月。身兼鐵
甕作長城。何知嶺上因歸路。摘取梅酸去作羹。已有紫泥教詣
闕。便應留住付鉤衡。

送朱師古龍圖少卿帥潼川

楊廷秀

壁水蓬山徧羽儀。須臺八府更光輝。紫荷到眼垂持橐。黃菊開
心便拂衣。鬻子運籌年尚少。買臣衣繡日思歸。少煩諭蜀須還

報却袖香烟侍太微

餞洪帥張伯子移鎮京口

楊廷秀

夢入飛雲卷雨簾。袖却築岩作霖手。滕王閣上唐阿舒。春生秋
殺震江湖。吏部未見張尚書。春生儘有秋殺無。江西十州百萬
戶。父非姓召母非杜。

餞趙子直出帥益州

楊廷秀

欽水花潭照碧油。西清學士舊黿頭。隨身琴鶴如清獻。治蜀功
名更蜀侯。

送趙德老端明帥蜀

樓鑰

身名俱泰老尚書。叱馭寧辭萬里途。兩地恩榮真赫奕。四川父
老定歡呼。垂崖袍帶今重見。清獻琴龜我更無。頻向籌邊樓上

望歸來方略上新圖

送溫州

蘇子瞻

威聲又數中興年。一虜行當一矢聯。聞道名城得真將。故應驚羽落空弦。追鋒歸去雄三衛。授鉞重來定十連。

送福建張比部

王介甫

畫船簫鼓出都時。萬里驚人去不追。却望塵沙應駐節。會逢山水即吟詩。

贈馮揚帥

楊次公

天下無雙士。淮南第一州。文章老元帥。節鉞古諸侯。路穩歸黃閣。功成建碧油。風雲生鷓首。蛟蜃怯龍頭。

和送朔方大總管

李矯

玉塞微驕子。金符命老臣。三軍張武旆。萬乘餞行輪。猛氣凌玄朔。崇恩降紫宸。投醪還約士。辭第本忘身。露下鷹方擊。風高鴈欲賓。方銷北塞祲。還靜漠南塵。

送嚴黃門再鎮蜀川

岑參

授鉞辭金殿。承恩戀玉墀。登壇漢主用。講德蜀人思。

送李中丞赴商州

韓翃

當年紫髯將。他日黑頭公。不異金吾寵。兼齊王帳雄。

上河陽李大夫

蘇子瞻

上將秉神略。至兵無血威。寒劔奪眾景。夜星火長輝。武牢鎖天關。河橋紐地機。

經略使

歷代沿革 唐正觀二年邊州別置經略使此蓋使名之起節度兼度支營田招討經略使則有副使判官各一人儀鳳二年以黑齒常之為河源軍經略大使永淳元年婁師德為河源軍經略副使至德二年賀蘭進明除嶺南五府經略兼節度使建中元年除元瑒節度始不帶五府略經宋不常置咸平五年始以右僕射張齊賢為邠寧環慶路經略使判汾州諸路軍馬並受節度又以鄧州觀察使錢若水為并代經略使判并州自後不除入寶元中夏人入寇始命陝西沿邊大將皆兼經略皇祐間儂智高擾邊詔知廣桂州並帶經略安撫使

自後西南二邊常帶經略所以重紳權而服羗夷也其經略安撫各以直秘閣以上充掌一路兵民之事皆帥其屬而聽其獄訟頒其禁令定其賞罰稽其錢穀甲械出納之名籍而行以法若事難專決則具可否稟奏即于機速邊防及士卒抵罪則聽以便宜裁斷帥臣任河東陝西領南路職任綏御戎夷則為經略安撫使南渡之初依舊制廣南東路帶主管經略安撫司公事西路帶經略安撫使紹興五年令襄陽守臣湖北帥帶經略安撫使後罷而一廣如故 **元**經略使正三品副使從四品經歷七品

詩 可英英桂林伯實惟文武才 韓愈 二十四州民樂否莫教一

物怨窮途 張孝祥 紅旗照海壓南荒徵入中臺作侍郎 韓退之

贈刑部馬侍郎 斧鉞下青真樓船過洞庭北風隨爽氣南斗避

文星杜甫送李大夫赴廣州

古今事實

威名流聞

戴叔倫為容管經略使綏徠夷落威名流聞其治清明仁恕多方略所至稱最德宗嘗賦中和節詩遣使者寵賜唐職林

威聲風行

唐裴行立為安南經略使威聲風行

綏定八州

唐元結為容管經略使自諭蠻獫綏定八州民樂其教立石德都督諸軍

元和十二年衛史中丞裴公來蒞茲邦都督二十七州諸軍州事盜息奸革德惠敷施暮年政成柳子厚桂州賀家淵亭記

管領外地

唐涼公房為涼州經略管領外十二州之地稅節賦詩公私有餘削衣敗食不立資遺以班親舊為友為義

平嶺表夷

唐王雄字宏肱大曆中為容管經略使平嶺表夷獠代宗遣使慰勞加金紫光祿大夫職林

恩被異域

宋朝余襄公帥二廣幾十年恩信被於異域如交趾大理特磨南詔之國皆可以頤指氣使公之文武之才可謂具矣言行錄

德著夷夏

范文正公帥邠延涇慶四都恩德著聞夷夏從服熟戶蕃部率稱曰龍圖老子至于元昊亦以此呼之澗水燕談

外蕃貢珍

徐申字維隆為容管經略使黃洞納質供賦不敢桀外蕃感以珠璣瑁香文犀浮海至申於常賦外未嘗騰索商賈饒益職林

寇攘順化

張公師為安南經略使自為吏習於海邦去之則夷獠稱亂復至則寇攘順化及受命專征牧人盡區處之方制國備形體之法道阻而備有貨地偏而具五穀儲峙委積師旅無庚癸之呼繕完板幹控帶兼戎邑之位皆用周禮率由漢儀易野之守險

逾江陵而萬世無虞奇珍良貨溢于王府殊俗異類盈于臺街優詔累旌其忠良太史嗣書其功烈唐聯林

築城據要

范文正公為環慶路經略安撫招討使於延州築青澗城墾營田復永平廢寨熟荒歸業數萬戶於慶州城太順以據要害奪賊地而耕之又城細腰胡蘆於是明珠滅藏大族皆去賊為中國用言行錄

弛禁通輸

劉徽猷子羽字彥修宣撫司移軍闡州吳玠戍何地王彥成金州二鎮皆飢而興元帥過為守備閉關塞褒斜二鎮病之公乃承制拜公利路經略兼知興元府公至之日盡弛其禁民飢通

商輸粟二鎮乃安言行錄

糜兵血戰

范仲淹知慶州兼經略招討使未幾賊兵三萬叩城仲淹糜兵血戰賊奔而北久之种世衡不利於定州以仲淹晝夜為領兵援初関人心搖動及見仲淹耀兵號令嚴兵威震戎落人心遂安相賀曰邊上自有龍圖公為長城吾屬何憂

究馬利病

張敬夫經略安撫廣南西路朝廷買馬橫山歲久弊積邊氓告病而馬不時至公究馬利病得六十餘條皆有以窮其根穴而事為之防由是諸蛮感悅爭以善馬來歲額率常先期以辨宋

晦菴集

移檄交趾

余襄公靖字安道嘉祐五年交趾寇邕州殺五巡檢驛召公以為廣西體量安撫使公至則移檄交趾召其臣費嘉祐詰責之嘉祐惶恐對曰種落犯邊罪當從願留取首惡以獻即械送五人送欽州斬于界上言行錄

移文諭蜀

唐質肅公介知太原府河東經略使至則首戒邊將毋生事初代州岢嵐軍虜數擾邊公遣兵撤其境上堡柵又移文諭以利害嚴守以待之遂不復敢動

元昊欽畏

鄭戩字天休為陝西經略安撫招討使巡邊至鎮戎軍趣蓮花

事文類聚

卷之七

十一

皇朝文獻通考卷之七十一
堡元昊方擁兵近塞謂其下曰我已遣人使稱臣朝廷何爲行用此公護諸將其欽畏如此東都事略

蠻酋叩謝

李浩公字德遠爲廣南西路帥有人對論擇帥事者上欣然顧之曰如廣西朕已得久矣李浩也公至鎮勤於民事郡舊有靈渠通漕運溉田甚廣歲頗湮塞公命疏治之民賴其利豈管所領羈縻安乎州蠻酋特險凶橫聚兵謀爲邊患公遣軍使開心見誠諭以禍福即日叩頭謝過焚撤水柵受約束曾李程撰李殿撰浩行狀

驚賊破膽

范仲淹與韓琦吐謀必欲外復靈夏橫山之地邊上評曰軍中

有一韓西賊聞之心膽寒軍中有一范西賊聞之驚破膽元昊

大懼遂稱臣名臣傳

得人死力

唐劉雍爲隴右經略使輕財愛士得人之死力

簡閱州兵

南軒先生張栻經略安撫廣南西路所統州二十有五遼負荒殘故多盜賊檄外蠻夷間亦入塞爲暴而州兵皆脆弱慵惰又乏糧食死亡輒不補公爲之簡閱州兵汰冗補闕籍諸州掠卒伉健者以爲效用合親兵摧鋒等軍日習而月按之視諸州有不足於糧賜若戈甲之費者更許漕司鹽本羨錢以佐之傳今溪洞酋豪諭弭盜睦鄰毋得輒相仇殺生事而他所以立恩信

事類彙編 卷之七
謹關防亦無不備於是境內肅清方外柔服莫府無南鄉之慮矣
晦菴文

節制諸司

予為鄜延經略使日新三廳謂之五司廳延州正廳乃都督廳治延州事五司廳治鄜延路軍事如唐之使忠五司者經略安撫總管節度觀察處置五使今節度之職多歸總管司觀察歸安撫司處置歸經略司其節度觀察兩案并支掌惟判官今皆治州事而已經略安撫司不置佐官以帥權不可不專都總管副總管鈐轄都監同簽書而下皆受經略節制
沈恬筆談

祖於瓊林

咸平四年以兵部尚書張齊賢充涇原儀渭邠寧環慶鄜延州

保安鎮戒渭遠軍安撫經略使知制誥梁顥副之帝以邊將玩寇朔方糧道艱阻故命齊賢等使焉即命發日馳騎而往仍命宣徽南院使周瑩祖於瓊林院

歸裝無南物

李殿撰浩為廣南西路帥奉法循已律已甚嚴自嶺右歸裝無南物

歸不載南物

余靖知廣州唐之番舶裝船舊皆取稅公奏罷之以徠遠商又請立法戒當任官吏不得市南藥及公北歸不載南物

古今文集

雜著

桂州新城記

王介甫

儂智高反南方出入十有三州而十有二州之守吏或久或不
然而無一人能守其州者豈其材皆不足歟蓋夫城郭之不設
兵甲之不戒雖有智勇猶不能勝一日之變也天子於是遂推
選士大夫所論以為能者付之經略而今尚書工部侍郎余公
當廣西焉寇平之明年蠻越接和乃古城桂州以至和元年八
月始作而以二年之六月成夫其為役亦大矣蓋公之信於民
也久而費之欲以衛其財勞之欲以休其力以故為是有大費
與大勞而人莫或以為勤也故文王之起也有四夷之難則城
于朔方而以南仲宣王之起也有諸侯之患則城于東方而以
仲山甫此二臣之德煥於其君於其為國之本未與其所先後

可謂知之矣慮之以悄悄之勞而發之以赫赫之名乘之以翼
翼之勤而續之以明明之功蓋其君臣如此而守衛之有其具
也今余公亦以文武之材當明天子承平日久於補弊立廢之
時鎮撫一方修捍其民其勤於今與周之南仲仲山甫蓋等矣
是宜有記也

律詩

送張子智移師入桂

楊廷秀

握刀將師迎牙纛龍尾名臣進寶奎虎頭移鎮赴喀溪解辨戎
蠻貢象犀翠浪玉虹餘昨夢碧參羅帶入新題鳳池雞樹公栖
處早個雲飛不要梯

送鄭權尚書南海

王建

城頭龍腦鋪關口象牙堆。物設薰爐出。蚤辭晚節開。市喧山賊破。金賤海船來。白氎家家織。紅蕉處處栽。已將身報國。莫起望鄉臺。

送桂州嚴大夫

韓愈

蒼蒼森八桂。茲地在湘南。江作青羅帶。山如碧玉簪。戶多輸翠羽。家自種黃柑。遠勝登仙遠。飛鸞不假驂。

送新尚書赴南海

韓愈

衙時龍戶集。上日馬人來。風靜鶉鴉去。官廉蚌蛤回。貨通獅子國。樂奏越王臺。事事皆殊異。無嫌出大才。

送嚴大夫赴桂州

白居易

地壓坤方重。官兼憲府雄。桂林無瘴氣。栢省有清風。山水衙門

外。旌旗艘艦中。大夫應絕席。詩酒更誰同。

送徐大夫赴廣州

劉長卿

上將壇場拜。南荒羽檄招。遠方來百越。元老事三朝。霧透龍川暗。山連象郡遙。

送鄭尚書出鎮南海

張籍

牙旆從城展。兵符到府開。蠻聲吟夜市。海色潤朝臺。

送李大夫赴廣州

杜甫

斧鉞下青冥。樓船過洞庭。北風隨爽氣。南斗避文星。

寄陽桂州

杜甫

五嶺皆炎熱。真人獨桂林。梅花萬里外。雪片一冬深。

送鄭尚書赴南海

韓愈

番禺軍府盛欲說暫停杯蓋海旌旗出連天觀閣開

送嚴大夫

王建

嶺頭分界堠一半屬湘潭水驛門旗出山蠻洞主參

送范經略仲濟

蘇軾

廟堂選世將范氏真名賢仁風被宿麥綠浪搖秦川

留守

歷代沿革漢和帝南巡張禹以太尉兼衛尉留守隋大業九年

代王侑留守西京十二年李淵太原留守王威高君雅為副

唐太宗正觀十七年親征遼東置京城留守以房玄齡充蕭瑀為副其後車駕不在京都則置留守以金吾大將為副威

亨二十一年高宗幸洛陽以雍州長史李晦為西京留守其後車

駕發京都則置留守以右金吾大將軍為副留守太原府亦

置尹及少尹以尹為留守少尹為副留守謂之三都留守五

代晉天福七年勅留守之任委寄非輕凡降綵綸宜同將相

今後除留守宜降麻制留守降麻自安彥威始宋天子巡狩

親征則命親王或大臣總留守事建隆元年親征澤潞以樞

密使吳延祚為東京留守其西南北京留守各一人江南應

天府尹各一人留守尹闕則置知副府事一人以郎中以上

充通判各二人一掌留守一掌府事以朝官充留守司掌官

鑰及京城守衛修葺彈壓之事畿內錢穀兵民之政建炎初

京城有副留守以檢校少傅寧武軍節度使范訥充留守以

侍衛親軍都指揮使遂安軍承宣使郭仲荀副之 又有西京

留守並係執政從臣充兼節制軍馬其後武林建鄴並建行

官留守從權措置百司事務六年有行宮同留守 以左通奉

大夫孟廣提舉萬壽觀兼侍讀充 詔二留守並權赴尚書有

治事 是年八月三省已降指揮三省樞密院常程事務並聽

行宮留守司與決並權赴尚書省治事 元有南都留守同

知留守副留守 武林視汴都而建鄴視三都焉紹興四年參

羣書要語 山國用虎節 周禮 秦使和子戍鄭掌北門之管傳謹

守管鑰 漢蕭何 房喬居守聖君無回顧之憂 類要 明皇東守命

開府以居留 同上 方委留鎮 白集韓臯留守制 主鑰東門杜牧

之集 命爾居守俾之保綏 陸集賈耽制 統禦都邑提持紀綱同

上乃眷留都之重 歐公除劉沆制 委以別京之重 文彥博制處

居留之任 賜彥博口宜 守官鑰之謹嚴 文彥博謝表 眷是別都

之重 溫公賜韓琦詔 近付京都之鑰 荆公除李韓制

古今事實

別造王符

傳符之制京都留守曰麟符隋煬帝幸遼東命樊子蓋東都留

守屬楊玄感作逆攻城子蓋備禦有功車駕至高陽道詣行在

所帝勞之比蕭何冠帽且謂曰公宜持重又甲五百人而後出

此亦勇夫重閉之義無賴不軌者便誅鋤之凡可施行無勞形

迹今為公別造王麟符以代銅獸 六典

乃賜鐵券

事文類聚卷之七

郭子儀為京城留守自變生倉卒賴子儀復安帝曰子儀固社稷臣因勞曰用卿晚故至此乃賜鐵券圖形凌烟閣唐職林

貞觀中太宗幸王華宮房玄齡以疾臥總留臺

並加持節

後魏高祖南伐以太尉元不廣陵王羽留守京師並加持節

宜隆絲綸見沿革注

必賜旗甲

唐元和九年以尚書左丞呂元膺充東都留守舊制命留守必賜旗甲與方鎮略同及元膺受任終無所賜朝論以東有寇虞特用元膺不當削其儀制以阻威望諫官上疏曰華汝壽三州

列賜戎械居守之重固宜寵借憲宗曰此數處並不當與其後遂皆停

付六府事

隋楊瓚居守帝謂之曰六府事殷一以相付朕將遂事東方無西顧之憂職官分紀

治綠野堂

裴度字中立文宗時留守東都時關堅檀威權天子擁虛器度不復有經濟意乃治東都綠野堂野服蕭散為之把酒不問人間事帝知度神明不衰每人自洛來必問度安否

國之元老

唐元宗東巡宋璟為留守上臨發謂璟曰卿國之元老為朕股

肱耳自今將巡洛邑為別歷時所有嘉謀嘉猷宜相告也璟因極言得失特賜絳絹等仍手制曰所進言書之坐右出入觀省以誠終身其見重如此

民號良吏

顧少連字夷仲為東都留守表閉田以利民號良吏

任關中事

漢與諸侯擊楚蕭何守關中以便宜施行上來以聞計戶轉漕給軍漢主數失軍遞去何常與關中卒輒補缺上以此勅屬任何關中事漢蕭何傳

無西顧憂

光武曰昔高祖任蕭何於關東無復西顧之憂得專征山東終

成大業

治尚寬簡

源乾曜留守京師治尚寬簡人安之

治以和簡

權德輿治以和簡人以寧便

戎政歡服

劉政武德初留守太原調輯戎政遠近歡服

號令精明

王翊字宏肱為東都留守既至開田二千餘屯修器械皆良金壽革練士卒號令精明吳少誠叛獨東畿為有備罷守失墜

唐書卷一百一十五

裴度罷東都留守中人使幽鎮還言軍中謂度在朝而兩河諸侯志者懷強者畏今居東人人失望

宗社獲安

荀橫留守京師掩獲沙門法秀謀反太后曰宗社獲安實卿之功

倉卒復安

郭子儀射生將王撫自署京兆尹亂京城子儀斬以徇帝以子儀為京城留守自變生倉卒賴子儀復安

賜書褒勞

杜暹帝東幸以暹為留守暹率當番衛士繕三宮城浚池督役不少懈帝數賜書褒勞

賜詔寵異

開成中東都留守牛僧孺徵拜左僕射上令左軍副使賈告身宣賜舊例留守入朝無中使賜詔上特寵異之唐會要

行留悉總

房玄齡為相會伐遼留守京師詔曰公當蕭何之任朕無西顧之憂凡糧械飛輪行留悉裁總之

治行第一

張延賞為東都留守五年治行第一

或用舊德

唐故事居守之任或用舊德或用故相未嘗以武將而當保釐之重長慶二年以浚郊有事地逼封所以前義武軍節度使陳楚為東都留守且非舊制尋亦改焉續通典

可倚大事

太宗幸洛陽李太亮副房玄齡居守元齡稱有王陵周勃節可倚大事

有利即行

高宗幸洛陽令河間主孝恭次子晦居守顧曰關中之事一以付卿令式之外有利於人者隨事即行不須聞奏晦累有異迹久廢復行

崔從寶曆初為東都留守故事留司官入官城門列晨衙見留守吏誕謾久廢至是復行

團結民兵

國朝葉夢得字少蘊號石林先生公留守建康團結沿江民兵

數萬至是呼集分據江津仍遣其內機宜官模領數千人守馬家渡虜果遣吾叛將酈瓊以輕兵來犯覺有備而去言行錄

位置營壘

洪文安公遵知建康徧走郊野位置營壘民居及冢墓無相涉諸將不能易上賜手札曰寨地異向卿挺身任責非乃心王室疇克爾

全活數千

王沂國公文正公曾留守洛陽屬歲歉里有困積者飢者聚黨脅取鄰郡以強盜論公但重笞而釋之遠近聞以為法全活數千計並同上

條具十事

公知建康府赴闕奏事建康東南巨鎮南渡以來行宮在焉兼掌留鑰選用尤重公對于內殿敷陳時務當先定其規模為不可勝以待敵之可勝又條具十事上嘉納之鄭克撰呂尚書社行狀

輦下清肅

李沆字太初謚文靖真宗朝戎人寇邊幸鄴沆以宰臣為東京留守不戮一人而輦下清肅

城上親督

劉錡領兵赴東京副留守任抵順昌府得報虜已陷東京公曰其本赴留司今東京既陷幸全軍至此有城池可守當同心力以死報國公親於城上督眾設戰具凡六日而賊至公遣擊之頗殺虜眾既而兀朮親擁兵至公登城會諸將問策或謂宜具

舟全師而歸公曰朝廷養兵正欲為緩急之用况已挫賊鋒軍聲稱振雖多寡不侔然有進無退公遣數百人出西門虜來接戰俄以數千人出南門士殊死鬪虜大敗橫屍盈野賊拔寨遁去言行錄

畫像以事

王沂公再泣大名治政益信於俗民居軍伍咸畫像以事之時虜使每往復入境皆云此府王公在焉必沐浴潔服後入

捧縑以賜

范成大淳熙中帥江東兼行宮留守陛辭詔明日辭選德殿特設几開宴酒三行命侍行過西小軒曰此朕清坐處也再坐上曰勸卿一杯且有以為宿公飲訖二內侍捧縑素來上有石湖

二大字拜賜進謝上為蒲引復袖御書蘇軾詩一軸以賜

聘使書名

韓魏公鎮北門北門為聘使道舊與京尹書皆押字不名及公留守則名于書其副使成禹錫來仍喻來介曰以待中在此故特名及公去後留守引前此欲得其名強之不可

社稷所重

景德元年駕幸澶淵真宗謂王旦曰京師社稷所重非公不可並同上

特許行留

紹興六年中書門下省言秦檜孟庾並係兼行宮留守詔特許張蓋

長於彈壓

紹興八年召呂頤浩付以建康頤浩入辭趙鼎曰頤浩之政長於彈壓建康名郡頗望其來上曰繁劇固以彈壓為先若不動聲色使百姓陰受其賜小人却不知也 中興系年錄

古今文集

律詩

寄北都留守裴令公

白居易

天上中台正人間一品高休明值堯舜勲業過蕭曹始擅文三捷終兼武六韜動人名赫赫憂國意忉忉寵重移官鑰恩新換閩旄保釐東宅靜守護北門牢豹尾交牙戟虬髯捧佩力通夫白犀帶照地帶麟袍

送裴司徒令守太原

劉禹錫

星使出關東，兵符賜上公。山河歸舊國，管籥煥離宮。行色旌旗動，軍聲鼓角雄。愛棠餘故吏，騎竹見新童。漢壘三秋靜，胡沙萬里空。其如天下望，旦夕詠清風。

寄東都留守令狐相公

姚合

除書東守洛陽宮，恩比藩方任更雄。拜表出時傳七刻，排班衙日有三公。旌旗嚴動臨關外，侍府洪深接禁中。

送薛尚書兼御史大夫東都留守 耿緯

副國威名重，春卿禮樂崇。賜珪推拜下，分命遂居東。高旆翻秋日，清鏡自細風。教用儒門雅，兵稱武庫雄。誰云千載後，周呂獨

為公

詩話

趙老燈臺

歸田錄俚諺云：趙老送燈臺，一去更不來。不知是何等語。雖士大夫亦往往道之。天聖中有尚書郎趙世長者，常以滑稽自負。其老也，求為西京留臺御史，有輕薄子送以詩云：此回真是送燈臺，世長深惡之，亦以不能酬酢為恨。其後竟卒于留臺。

春圃桔槔

熙寧初，魏公罷相，守北京。新進多陵慢之。魏公鬱鬱不得志，嘗為詩曰：花去曉叢蜂蝶亂，雨勻春圃桔槔閑。時人稱其微婉。

新編古今事文類聚外集卷之七終

新編古今事文類聚外集卷之七終

新編古今事文類聚外集卷之八

南江 富大用 時可 編

金陵 唐富春 子和 梓

諸使司部

提刑按察使

歷代沿革 正觀初遣大使十三人巡省天下諸州水旱則有
巡察安撫之名龍神二年以五品已上二十人爲十道巡察
使按舉州縣再周而代景雲二年置十道按察使每道各一
人開元二年改曰十道按察採訪處置使四年罷八年復置
十道按察使二十年改曰採訪使分十五道二十五年命諸

道採訪使考課官吏善績三年一奏永為常式天寶末又兼
黜陟使乾元元年改曰觀察處置使宋開寶五年遣常參官
四人分詣諸路相度田土苗稼點檢採訪公事九年遣和峴
江南道採訪淳化二年諸路轉運司置提點刑獄景德中始
置諸路提點刑獄公事以朝臣充掌察所部疑留獄訟勸課
農桑而按其官吏之不法者慶曆二年詔諸路轉運使並兼
按察使每歲具官吏能否六年罷之熙寧中嘗遣使採訪紹
聖中詔三歲一遣郎中御史按察諸路監司各道置提刑
按察使有副使簽書公事為之貳又置經歷知事等員至元
二十八年改肅政廉訪使

羣書要語汝陳時臬事書用告爾祥刑同上奉茲星使採訪風

誦六帖周適四方巡行風俗漢方八使觀採方言同上勤宣帝

命數求人瘼同上今雖遣大夫循行風俗銜命糾察以黜陟為

各揚虎視之威厲秋鷹之爪華嚴表

詩曰願君五袴手報此米粟魂一見刺史天稱忘獄吏尊東坡

送黃師彥赴兩浙憲嚴能喜劇部持節按詳刑山谷召節自天

回使節郎星朝斗作台星楊誠齋使星移照天西去白鷺青原

遮不住同上憲臺師表光且耿濂溪閣下濂溪井云陽春有

脚來江城銀漢乘槎移使星嶺上梅花莫遲發先遣一枝迎玉

節同上方丈蓬萊第十八星軺玉節正青春同上却從吾州奪

吾侯一州奪與三十州梅花一笑迎漢節桂花八株吹嶺雪使

星歸去作台星超過郎星與卿月同上

古今事實

綉衣使者

暴勝之為直指使者衣綉持斧以出討盜賊漢書

朱衣前導

舊制兩省客出使得朱衣吏前導唐駱林

捕督盜賊

熙寧十年以丁執禮為河北西路提刑使上諭之曰卿職在刑獄盜賊最急宜用捕督盜賊

平反獄訟

高賦言國家置提刑司蓋欲平反獄訟使民不冤詳見檢法門洗冤澤民

濂溪先生周敦頤提點廣東刑獄不憚出入之勤瘴毒之侵雖荒崖絕島人跡所不至處亦必緩視徐按以洗冤澤民為己任淵源錄

訊獄活囚

馬亮從福建提刑獄亮至部覆訊冤獄全活者數千人仁宗實錄

諭民作詩

何耕字道夫除漳川提刑諭民作詩四十二篇語平易而教化寓焉郡邑家有其書強暴犯法父老必譙曰汝不誦何公詩乎往徃知悔而民即無訟獄矣周益公集

諭盜原罪

元祐中祭挺起知南安軍擢江西提點刑獄時盜賊為江西福

建八州之患挺告諭所部私諭藏器甲與其首納原其罪所得
兵械以萬計於是盜賊始衰東都事略

立榜伸冤

公先提點荆湖北路刑獄衡人思之繪公像建祠于城東青阜
寺再使湖北先聲入境而奸吏望風解印綬者數十人按部所
至立大榜於前云父負抑冤州縣不理者立其下於是積年無
告之冤咸得伸雪瀘溪先生王庭珪撰向子恣行狀

諭囚獲罪

鄭丙為廣西提點刑獄歸正沙世堅素武勇坐賊決配靜江公
時為憲部有劇賊未獲公諭世堅立功贖過世堅馘渠魁以獻
閱兵止奸

呂居簡擢提點京東刑獄徐州人有告孔直温等挾妖法誘軍
士為變而運使不受理者居簡亟令改狀合巡尉捕其黨誅之
詔遷一官已而濮州復有叛者民相挺驚潰居簡馳往得其首
惡誅之因大閱兵饗士奸不得發詔又遷一官神宗實錄

收舉贓罪

順帝選有盛名周舉杜喬亦巴張綱等分行天下刺史二千石
有贓罪顯明者驛馬上之墨綬已下使輒收舉

布宣德澤

裴度以司對員外郎知制誥田弘正效魏博六州于朝憲宗遣
度宣諭弘正知度為帝高選故如迎受命且請徧至屬州布宣
天子德澤魏人歡服還拜中書舍人

往使建節

司馬相如建節往使蜀太守以下郊迎縣令負弩先驅

所過畫圖

李前拜侍御史持節使幽州慰撫北狄所過皆圖山川并屯田聚落百餘卷悉奏之

使民歸本

李襲譽擢江南巡察大使多所黜陟揚州江吳大都會俗喜商賈不事農襲譽為引雷陂水築勾城塘溉田八百頃以畫地利民多歸本唐本傳

禁民淫祠

狄仁傑為江南巡撫使吳楚俗多淫祠仁傑畫禁止上留夏禹

吳太伯季札伍員四祠唐本傳

循行天下

漢元帝詔臨遣光祿大夫王褒等十二人循行天下注臨遣謂臨行而約收遣之又武帝遣博士循行天下舉獨行君子士有特招使者之任也

巡視州縣

張廷珪請復十道使巡視州縣帝然納之因詔陸象先等分使十道

宣布聖德

立春遣使者循行風俗宣布聖德存恤孤寡問民所勞苦二千石咸宜傳

覽觀風俗

王莽遣使者分行天下覽觀風俗王莽傳

處決平怨

唐馬懷柔以十道使黜陟江西處決平怨

多振寬滯

劉詩道詔巡察關內道多振寬滯

發粟振貧

武帝時河內失火使黜往視之黜曰不足憂臣過河內河內貧人傷水旱萬餘家臣謹以便宜持節發河內倉粟以賑貧民請歸節伏矯制罪

持節承制

王莽遣使持節承制乘傳使者經歷郡國日且千輩

持節勞徠

唐貞元八年州縣大水權德輿建言宜選群臣明識通方者持節勞徠

勞問循慰

正元八年吳陟遷中書舍人江南淮西皆大水詔陟勞問循慰所至人人便安

振贍流民

孔光為博士數使錄冤獄行風俗振贍流民奏使稱旨由是知名

繩糾吏治

韋貞素天寶五載為江西山南黔中鎮南黜陟使繩糾吏治所至震畏

分道賑贍

劉思立在高宗時為名御史時河陽大旱詔遣御史中丞崔諲等分道賑贍思立言蠶繭務未畢而遣使撫巡所至不能無勞擾

巡邊請行

程昇同平章事明年西北軍政不治議置巡邊使憲宗問孰可者乃自請行

持節行郡國

漢昭帝始元元年遣王平等五人持節行郡國舉賢良問民所疾苦竟失職者上

持節詔郡

宣帝始初遣使者持節詔郡國二千石謹牧養而風德化

陸贄陳五術

陸贄補湖南尉德宗立遣黜陟使十人行天下贄說使者請以五術察風俗聽謹頌審其哀樂納市賈觀其好惡訊簿書考其爭訟贄重服等其儉嗇自作業察其趣舍

子昂對二事

唐陳子昂對二事一言九道出大使巡按天下申黜陟求民瘼臣謂計有未盡也且陛下發使必欲使百姓知天子夙夜憂勤群臣知考績而任之也好暴不逞知將除之也則莫若擇仁可恤孤明可振滯剛不避強禦智足以照奸者為使故輔軒未動

而天下翹待今使未出道路之人皆已指笑欲望進賢退不肖
豈可得耶

古今文集

雜著

八使出巡賦

張友正

明明漢皇文物昭彰順帝以化俾人從康將欲敷聖政舉皇綱
乃分國之八使而宣命於四方八使伊何朝中之善將假其權
尤難其選稱直指而獨五歌皇華而分遣綉衣既盛於新儀四
牡載光於古典當官而行受命無忝善微毫而必舉惡纖芥而
必舉舉善者必尋其清流之源貶惡者必去其阿諛之誦或負
官闕之厚援不顧城社之微託無懼薰燒不驚繒繳肆豺狼之

毒懷鳥境之惡徑持斧而前進歛下鞠而直搏誓將去大放而
拔盤根安問狐狸之與烏雀其有銳心公鼎戮力王堂知賢才
而能進察奸佞而能黜必將上聞於天子寧侯於終日道之不
憇人亦焉度操利劍而刺其固懸明鏡而燭其幽使乎使乎萬
方觀德天下之治也賢者當其權天下之亂也不肖居其職求
訛偽之訟採妖艷之色方直者予以退蔽阿諛者由是登陟為
謂之治也歟適足以亂其國我國家統紀有經超古作程采虞
典之考績法漢家之分行舉八元而普天輯睦按十道而攬轡
澄清太階既平君聖臣明豈待久於其道而後天下化成

古詩

送蔡定夫使廣東

楊廷秀

國朝以來妙人物。近世獨數乾道年。后皇乃武再開闢。欲傾東
 海洗乾坤。九淵探珠巖。採璞天地為綱。且羣賢。玉堂金絃貯。櫻
 熟蓬山璧。米俱崔班。追遠慶曆元祐初。突過貞觀開元前。麟臺
 正字蔡夫子。乃祖元是四諫官。風流文采已碧梧。忠義慷慨仍
 青檀。折檻舊痕故無恙。后皇是日動龍顏。嚴霜烈日照鴻鸞。
 身似葉飄淮。埃柴門僵臥。三臘雪。魚釜僅續一線煙。后皇九重
 念五嶺。生愁雨露南方乾。詔謂正字當居中。肯為朕行緩白蠶。
 梅花迎笑錦囊吉。南斗退避文星寒。動提山岳細事耳。約束海
 若收波瀾。坐令百姓萬里外。隨在二陝三輔間。檳榔紅時之泥
 紫。歸來徑着侍臣冠。我家江西更西處。白鷺洲對青原山。公歸
 肯訪老翁否。酷酒滿眼未必然。青芻白飯聊隨緣。

律詩

逸許覺之奉使東川

王介甫

三秋不見每惓惓。握手山林復悵然。後會敢期黃耆日。相看且
 度白雞年。畏塗石棧王尊馭。榮路金門祖述鞭。一代官儀新藻
 拂。得瞻宸宇想留連。

送劉和父奉使江南

王介甫

劉郎今日擁旌麾。傳到江南喜可知。上冢還須擊羊豕。下車應
 不問狐狸。無人敢勸公榮酒。為我聊尋逸少池。亦見嶺頭花爛
 熳。更將春色寄相思。

送洪使君

劉克莊

雖擁朱幡貴。清臞兩鬢霜。判花人競誦。詩草士深藏。農飽因蠲

賦州貧為採荒公歸無媿面應可見嚴光

和李侍御奉使

孟浩然

南紀西江闊皇華御史雄載流寧假楫掛席自生風
察案爭奪鷓魚龍亦避鰲坐聞白雲唱翻入棹歌中

送崔郎中往使西川行在

韋莊

拜書辭玉帳萬里劍關長新馬杏花色綠袍春草香
一身朝玉陛幾日過銅梁莫戀爐邊醉仙宮待侍郎

送張天覺使河東

孔常甫

曾立玉墀聯近侍執金節領諸侯屠龍伎倆終
須用探虎功名未肯休

酬裴司空

韓退之

銜命山河撫亂師日馳三百自嫌遲風霜滿面無人識
何處如今更有詩

奉使京西

李涉

盧龍已復兩河平烽火樓邊處處耕何事書生走羸馬
原州城下又添兵

奉使鄂渚

滄洲不復亦魚竿白髮那堪帶鐵冠客路向南何處是
盧花千里雪漫漫

送崔員外使回入京

陸暢

六宮星裏一星歸行到金鉤近紫微侍史別來經歲月
今宵應憂護香衣

奉和聖製送十道採訪使及期集使

張九齡

三年一上計。萬國趨河洛。首路迴竹符。分鎮揚木鐸。昭晰動天文。殷勤在人瘼。

送期集使

王維

玉乘迎天客。金節送諸侯。祖席傾三省。寒帷向九州。

送顧子敏使河朔

韓退之

金虜動燕然。廊廟登劍履。翻然西河朔。坐念東都水。

奉使常山呈副使

同前

朗朗聞行鼓。晨起似朝時。翻翻走驛馬。春盡是歸期。

送王季德提刑

楊廷秀

寶儲依舊接英游。蕩節何曾遠藻旒。卿月使星銀漢曉。綉衣綵服太湖秋。

轉運使

歷代沿革 唐先天二年李傑始為水陸發運使使名之起於此
開元二十一年裴耀卿以侍中充江南淮南轉運使而崔希
逸蕭冕為副副使始此天寶以韋堅充勾當轉運使第五琦
充諸色轉運使劉晏充諸道轉運使其後韓滉杜棕杜讓能
崔昭緯皆以宰相充使而諸道分置巡院皆統於此五代罷
巡院始置轉運使宋朝執祖開基徽五季之亂藩臣擅有財
賦不歸王府自乾德以後潛偽略平始置諸道轉運使以摠

利權開寶六年廣南平除徐澤為判官蓋轉運判官始此其
 轉運使之名國初但曰勾當某路水陸計度轉運事官高者
 則曰某路計度轉運使太平興國初皆曰使兩省以上則為
 都轉運使又置副使與諸路判官又置同勾當轉運事俄罷
 諸路副使真宗每用兵或令都部署兼轉運使王師征討則
 有隨軍轉運使事畢即停至道中詔曰天下物宜民間利病
 惟轉運使得以周知令更互赴闕庭見詢問焉慶曆中皆帶
 按察之任六年罷之先是判官與轉運爭權而罷至嘉祐中
 復置熙寧二年詔轉運使用本資序人即充資序下一等為
 權二等為權發遣中興以來逐路都轉運使除授不常唯使
 副判官常置舊制轉運使除授皆命詞給誥渡江已後例給敕

命後稍復舊轉運使副命詞運判則否六年諸路運判亦命
 詞給誥光宗紹熙以來使副運判不雙除元置都轉運鹽使
 正三品又有同知副使又置諸轉運使從三品有同知副使
 又置漕運使從六品有副使知事等員

群書要語粟行二百里則國無一年之積粟行四百里無二年
 之積行五百里則衆有憂色官任法篇轉輸正稅白六帖漕運

貢賦漕引土貢充羨天府國用軍儲况當富庶之朝宜

崇漕運之任領漕輓之務必在公勤並同上漢道糧道委於

丞相蕭何事晉開較運任在尚書杜元凱事金六帖陝路漕引

悉歸中都唐大詔令督餉朔都曲阜行河北運副制勾校奸贓

未減賦取公財不耗疲人樂生杜牧裴論制縮牢籠漕輓之職

皇朝通志卷之八

同上爾文學議論見雅時輩又在近服宜知朕旨將輸之任輟以汝行爾其布宣朕不遐棄張于湖除夔路運判出總舟車之

餽曲阜行峽西運使制往總一方刺篤之任行河北轉運制遠

採漢典設制舉之官近參唐制考將漕之最湖文恭行趙良規

制賦輿衍增分輸錯出同上分部而名雖以將漕其實在於總

庶務之予奪察羣吏之能否南豐除蔡燁制

古今事實

饋餉不絕

漢楚相拒滎陽蕭何守關中計戶轉漕給食不乏高祖曰鎮國家撫百姓給饋餉不絕糧道吾不如蕭何漢書

轉輸不絕

漢光武拜寇恂河內太守謂曰河內全富吾將因是而起昔高祖留河鎮關中吾今委公以河內堅守轉運給足軍糧光武於

是北征何收租四百萬斛轉以給軍時軍食乏恂以輦車驪馬

轉輸前後不絕後寇恂傳

漕給中都

漕給中都

高帝時漕山東之粟以給中都之官不過數十萬石孝武通西南夷道作者數萬人千里負擔餽糧率十餘鍾致一石職官分

漕給京師

昭帝五鳳中耿壽昌奏言故事歲漕關中穀四百萬斛以給京師用卒六萬人宜糴三輔弘農河東上黨太原郡穀足供京師

可以省關中漕卒過半前食貨志

開渠通漕

元宗擢韋堅為陝郡太守水陸運使漢有運渠起關門西抵長安引山東租賦堅乃占咸陽雍涇渭為堰絕灞澮而東注永豐倉下復與涇合初澮水之左有望春樓堅于下澮為潭以通漕帝為升樓詔群臣臨觀詔曰關輔之間尤資穀贍比來轉輸未免艱辛故置此潭以通漕運萬代之利一朝而成唐韋堅傳

置倉省運

唐裴耀卿同門下平章事充轉運使於是置河陰集津二門倉引天下租繇盟津沂河而西三年積七百萬石省運費三十萬緡或說耀卿請進所省脚錢以明功利耀卿曰此善公家盈縮之利爾不可以求寵乃奏充所司和糴等錢明年遷待中

置吏督祭

唐韋堅善探候主意見宇文融等以力剝財物爭行進奉而置恩顧堅乃以轉運江淮租賦所在置吏督祭以裨國之倉廩負米先趣

劉晏與元載書曰見一水不通思荷鍾而先往見一粒不運使負米而先趣焦心苦形期報明主晏以轉運為任如是通貨盈虛

案牘剖析

唐王播字明敷充諸道轉運使程昇為副昇尤通萬貨盈虛案牘剖析王播充諸道轉運使雖案牘鞅掌剖析如流黠吏詆欺無不彰敗

必究利病

劉晏以轉運為已任凡所經歷必究利病運米數千萬石以濟

井察治否

潘孟陽加鹽鐵轉運副使井察諸侯治否孟陽氣豪倨所至會

飛芻輓粟

秦欲攻匈奴使天下飛芻輓粟起於黃陞琅琊至負海之郡轉

木牛流馬

諸葛亮長於巧思木牛流馬皆出其意

糧儲粗備

范忠宣公純仁自陝西轉運副使召還神宗問曰卿在陝西久

賦歛寬平

王待制質遷荆湖北路轉運使當用兵西方急於財用之時獨

較入歲增

李與杜佑表為鹽鐵轉運副使俄代佑使任自劉晏後職廢不

年增百八十萬緡

按行利病

劉晏時太兵後，計米千錢，禁膳不兼。時旬裝，援穗以輸。晏乃自
按行浮淮泗，達于汴，入于河。右循底柱，碣石觀二門，遺迹至河
陰鞏洛，見宇文愷梁公堰，斯河為通濟渠。視李傑新隄，盡得其
利病。

許其心計

范旻為淮南使，太祖遣曰：卿貧，凡所須，金借用官錢，悉以便宜
從事，不必一一申覆也。每歲運米百餘萬石，以給京師。時論許
其有心計。

勿以秋毫

楊誠齋萬里謚文節，漕運江東，凡行部常禮一切不納。至於折
俎交饋，秋毫勿以自入。悉歸之官，為錢一千六百萬。同上。

奏減下稅

蔡襄為福建路轉運使，復古塘以溉民田。人利之，為生祠于塘
側。又奏乞減閩人五代時丁口稅之半。神宗實錄。

代輸郡稅

程大昌字泰之，徙江西路運副。公曰：可以興利除害，行吾志矣。
歲儉，出錢十餘萬緡代輸四郡五等夏稅，折帛退飢民為盜之
原。言行錄。

虛廩振飢

前漢山東水災，民飢。天子遣使虛郡國倉廩以賑，猶不足。使者

分部護冠蓋相望費以億計

發粟濟飢

李士衡為河北都轉運使既至調發得策粟列郡有數年之積其餘以濟飢民取官分紀

更用驢輦

永平中理滹沱石舊河從都慮至羊肥倉欲令通漕太原吏人苦役連年無成轉運所經三百八十加隘前後沒溺死者不可勝算鄭訓知大功難立上言遂罷其役更用驢輦歲省費億萬計全活徒士千人後登訓傳

始募客舟

薛向為江浙等路發運使領均輸之職運舟兵士交相侵盜買

易甚則託風水沉舟以滅迹向始募客舟以官舟運費寡寡而物良舊弊悉去東都事略

輸六路

權邦彥為淮浙荆湖等路制置發運使轉輸六路董踰懈檢欺隱蔽通士責稽滯水程陸輟餘五千里財用湊足於行在所億萬計有詔嘉歎楊誠齋集

通漕河

魯宗道遷江淮發運使通真楊漕河廢二堰舟楫便之歲入以八百萬而食京師東都事略

鑿泗州渠

蔣之奇字穎叔擢江淮荆浙等路發運副使元豐六年始建鑿

泗州股渠以避長淮之險自是無覆溺者哲宗朝再為發運使東都事略

疏支家河

吳處厚紹聖初知蘇州居數月為江淮荆浙等路發運使疏支家河通漕楚漢歲漕六十二萬石至京師又修復秦州捍海堰成復通戶三千六百民為立生祠同上

王鼎發八難

慶曆中王鼎為淮南江浙荆湖制置發運副使內侍王永德奏請於汴置鋪挽漕舟歲可省費六萬鼎議以為不可司判官一員將永德就鼎議發八難永德不復爭鼎因言陛下幸用臣不宜過聽小人有所變更以誤國計於是永德言始不用居二

年遂為使

擢卿立中制

仁宗時都官員外郎吳耀卿景德中江淮漕米歲不過四百五十萬石其後益至六百萬石故江淮之間穀價常貴而民貧請約咸平景德中歲漕之數立為中制上乃詔發運司歲減漕米五十萬石國史

以備賑糴

大中祥符三年江淮發運使李甫言今年運米六百七十九萬石諸路留三年以備賑糴職官分紀

但惜民力

薛簡肅公天禧初為江淮發運使辭王文正公王無他語但云

東南民力竭矣薛退謂人曰真宰相之言也言行錄

增米八十萬

張綸天禧中發運副使居二歲增米八十萬疏五渠導太湖入海復租米六十萬開長蘆西河以避覆舟之患又築高郵北漕以備非常仁宗謂執政曰發運總六路之廣財貨調用幣帛穀粟歲千百萬宜得其人而久任之擢元章閣待制在職十有三年同上

歲漕餘百萬

許元擢江淮荆大制置發運判官既又為使元曰以太路七十二州之粟不能足京師吾不信也至則治千艘浮江而上不數月京師足食乃考故事明信令發歛轉徙遠近遲速賞罰皆有

法凡江湖數千里外談笑治之不擾不勞而用之足歲漕六百萬至京師而常餘百萬東都事略

編財賦科約

李文簡公壽字仁甫號巽齋先生除漳川路轉運判官州縣多橫歛公選官置局括一道財賦列其名色使有無相補酌三年中數而為帳編示官吏名為科約至今不廢言行錄

置財賦都簿

文簡公副運江西置一路財賦都簿未幾召還乞於本路毋廢此書上曰卿不為高論務在便民甚善

供調百萬億

李士衡河北漕真宗幸澶州東封西祀供調百萬億士衡有勳

減治數十萬

陳文惠公堯佐為河東轉運使河東地寒而民貧奏除石炭稅減官治鐵課歲數十萬以便民曰轉運征利之官也利有本末下有餘則上足吾豈為俗吏哉言行錄

開管田贍邊

歐陽修出使河東開管田以贍邊儲至今賴之初執政委修以河北之漕亦幸其不職而汙慢其才修至頗稱其職

興水利溉田

蔣之奇遷淮東路轉運副使歲飢募民興水利以食流冗溉田九千餘頃如楊之天長三十六陂與宿之臨渙橫斜二溝此其大者也東都事略

致堯劾魏庠

曾致堯為兩浙轉運諫譏大夫魏庠知蘇州介舊恩以進致堯劾其罪太宗曰是敢治魏庠可畏也

富弼薦王紘

富弼薦王紘為江東轉運紘常言不法之人如使肆貪於一郡一邑室良民千萬家不若去之不止利一家

吏不得為奸

慶曆中王鼎遷尚書刑部郎中天章閣待制河北都轉運使科率稅賦事皆躬親吏不得為奸

家莫敢為非

王素為淮南都運所布耳目甚廣人人若素坐視其家莫敢為非

官吏為三等

景祐元年令諸路轉運使則察所部官吏能否辨為三等公勤廉幹文武可取利益於國惠及於民者為上幹事而無治聲者為次畏懦而貪慢公不治贓狀未露濫聲頗彰者為下益立狀以聞

邊粟支二年

蔣之奇為陝西轉運副使經賦所入以給用度公私用足比其去庫緒八十餘萬邊粟皆支二年東都事略

一切繩以法

孫用為兩浙轉運使范文正守杭州以大臣或便宜行事公曰范公貴臣也吾屈於此不得不神於彼矣由是一切繩以法而

常以監司自處范公遇之無倦色及退而不能無恨公遇范公不少下退而未嘗不稱其賢也言行錄

未嘗按一吏

陳文惠公堯佐六為轉運使常以方嚴肅下使人知畏而重犯法至於過失多保佑之未嘗按黜一吏

最為識大體

張士遜出為江西轉運使辭王文正公於政事堂公從容曰朝廷權利至矣士遜起謝後迭更思職思公之言未嘗求雄力之利識者曰此運使識大體同上

可為諸路法

鮮于侁字子俊閬中人范景仁舉所知除利漕兼提舉常平上

曰鮮于侁定利路役法可為諸路法又上書陳時政關失曰可為憂患者一可為長太息者二移京都轉運使

頗牧在禁中

李迪真宗問陝西兵數對曰臣為轉運使時以方寸小冊記兵及糧以備調發今猶置佩囊中真宗令擇取之因給紙令上數以進曰不意頗牧在吾禁中矣

賜緋衣

侯陟除淮南轉運使賜緋衣袋帶袋帶以錄人才也

賜羊酒

王隨直史館出為京西轉運使時隨父母在洛中京西乃其所部也真宗賜詩寵其行復以羊酒賜使過家時人榮之東都事略

古今文集

雜著

淮南轉運使謝上表

蘇頌

贊畫甘泉久玷三臺之末觀風淮甸驟陞數使之榮朝寄匪輕地望兼重愧非才選歷定厥官姑謹詔期趣行所部寵靈所被畏惕非常竊以州郡備官所以分釐於民務朝廷遣使所以布宣乎主恩付一道之事權用六條而舉察賦輿出內俾以均輸吏治不藏責之薦黜首匪縣更於事任詎能振肅於治綱若臣者才不足以適時慮不足以經遠偶緣資級之例得從選用之階始自書坊出分使竹俄從宸服入佐計籌粗收歲月之勞茂著毫分之效豈謂伏遇皇帝陛下察庶工之任使於人職之良

勤拔於省僚授以利柄矧惟青海之郡寔溢東南之衝昔號輿
區今逢樂歲五稼盈疇而遂茂四人勤力以厚生料乎漕運之
程無煩趲辨之急惟當敷宣惠澤通究物情編齊之利病可更
立求其本刑政之重輕或失當適其中止期嘉靖少稱論擇若
乃事體貌以爲風采盡銖兩以歛民財顧在懦愚誠多闕略重
念上慈天覆聖治日新官無內外之殊事悉憂勤之繫昨臣受
任之始獲面於清光陛下臨遣之言曲加於勉諭自省最爲於
踈遠何圖亦記於淵衷豈非以委任之優故特示拊循之厚雖
乾坤平施非報謝之可言而犬馬微生策勤勞而思奮倘驅馳
之有用期終始以無渝

江東漕謝到任表

真德秀

兩螭夾侍久點近班四牡載馳叨分劇部假中秘隆儒之寵爲
外臺將指之光望過所期感深以惕臣某中謝伏念某材非適
用幸有逢辰屬漢廷更化之初首唐室登瀛之選金鑿夜直承
密命者六暮王陛晨趨對清光於再稔凡吮墨濡毫之任皆振
纓我弁其間史責旣稀所願優錄於邇列主恩未報寧忘眷戀
於本朝其如親闈喜懼之年當謹入子清溫之職輒援公輔辭
翰林之請庶幾潘岳奉版輿之權分太守之符日頒成命出少
府之節遽冒殊恩懷童而過里門闕宿而臨封部敬卜中和之
節重宣寬大之書輒傳初馳旌倪爭覩謂朝廷所以輟柱下之
史蓋聖主所以惠江左之民因博采於風謠頗究知其疾苦以
垂鑒之家而因追需之目以屢豐之歲而多流徙之人官無足

證之簿書。里有難平之徭役。文移星火。不勝胥吏之誅求。糜訴丘山。率爲賦租之煩重。興言及此。勿採可虞。輒殫朝夕之咨訊。兼體公私之緩急。賦難遽首。蓋漸損賦外之征。民未易蘇。當先去民間之蠹。竊自量其縣薄。恐終負於選掄。茲蓋恭遇皇帝陛下。洪造曲成。大明博照。念臣志存將母。俾獲便於旨甘。知臣學本愛人。欲稍觀其政事。肆加遽職。仍畀重權。臣敢不以阜俗爲阜財之方。以悅民爲悅親之本。灌輸所仰。媿初無鞭笞之能。樽節是先。唯敬佩玉音之訓。

廣東除運判謝到任表

劉克莊

庾氏命官。法宜久任。漕臣乏使。恩許驟遷。外竊光華。內叢憂懼。中謝臣恭惟列聖尤重遠臣。在裕陵時。命端頤之前輩。及淳熙

世用光朝之老儒。非取其趣辨之能。蓋責以將明之事。如臣迂拙。荷上使令。憤士風之垢汙。慨國計之殫乏。雖有范滂之志。終非所長。豈無韓滉之心。不贍於力。君命幾於辱矣。臣罪猶自知。乏曾謂選掄就令飛輓。塞下之餉方急。渾中之糴復興。每於吏民相告語之間。具言朝廷不得已之意。然而東南之勢久矣。垂張中上之家。今皆餅罄。芹味若可羨。而爲獻葵根。恐因刈而愈傷。况詔書之丁寧。極聖意之憐恤。若爲展筮。稍釋顧憂。茲蓋伏遇皇帝陛下。德照百官。明見萬里。益收多士。莫非建功立事之才。不弃諸生。有取固本深根之說。乃如孤外。亦在選中。臣敢不益秉公清。少蘇周察。馳驅原隰。務畢達於下情。臨履淵冰。庶不隳於晚節。

請置廉察罷轉運議

黃亢

惟王建國稽古治人既設其官必立其長歷觀方冊可得而知其在唐虞則十有二牧在二代則有連率焉有方正牧焉在兩漢則或稱刺史或稱州牧其實一也在皇唐則其大府有節度其次有觀察皆所以綱舉百職柄持衆政作天子之藩宣也是故民之所仰望吏之所畏服朝之所毗倚其官必重其人必賢也今則不然外官小大自足及額悉統之轉運轉運非古也起唐中葉所以督錢穀而已矣今夫用錢穀之職摠守宰之官守宰主宣教化者也教化義也錢穀利也利與義不能兩全是以下憂歲之不登而民之不粒上恐財之不豐而貢之不多是上下相戾也矧其充使者不過郎官御史其官既輕其人未必賢

是民所仰望者卑也吏所畏服者弛也朝之毗倚者輕也使政不平刑不清和氣未充禱烏未來得非由此歟有芻蕘之民竊議於下曰錢穀之職宜委之郡守郡守縣宰宜統之廉察則廉察宜置轉運宜罷也所以復古官也夫使吾民謂天子重利而薄義也不知朝廷三事大夫爲是邪爲非邪

古詩

送劉士彥赴福建漕

黃山谷

西風持漢節騎從嚴弓刀維閩七聚落惇孤困吏饗土故禾黍惡水煩鮮介勞南驅將仁氣百城共一陶察入極涇渭問俗及豚羔

謝鮮于君

蘇子瞻

我懷元祐初，珪璋滿青班。維時南極老，奉使獨未還。迂叟向我言，青齊歲方艱。斯人乃福星，遣出虛危間。

送程之元江西運判

張文潛

歸去明光見天子，還指一節大江。西年來屢下寬大詔，赤子未免寒與飢。恩如受病政如藥，知病與藥何由治。此行委寄意不淺，列城數十受指麾。

上漕使

唐子西

持節三千里，提封一十州。天文占使入，地上覺錢流。更有言前信，農無賦外求。事投餘日畢，政舉大綱休。利源乾後溢，民瘼痼還瘳。印給中臺筆，行馳外部籌。

律詩

送程公闢轉運江西

王介甫

江西一節鑄黃金，最慰章濱父老心。直孺重來真強予，次公今不異重臨。餘風尚有歡謔在，陳迹非無勝事尋。豫想新詩能寄我，十年華省故情深。

送韓希道

亞卿

移漕江東

周必大

饋餉隨蕭不作難，秦淮今視漢秦關。天開虎踞龍盤處，地近雞翹豹尾間。洗印先經三峽寺，觀風徧踏九華山。盡收奇秀歸詩藁，却起賡歌供奉班。

送芮國器察院漕廣東

周必大

星聚魯尊德，箕張各避風。別離雙鬢異，邂逅一尊同。五嶺皇華使，扁舟魚釣翁。江分鴻不到，書札若為通。

送王詹叔利州路運判

王介甫

王孫舊讀五車書，手把山陽太守符。未駕朱轡辭輦轂，却分金節佐均輸。人才自古常難得，時論如君豈久孤。去去便看歸奏計，莫嗔行路有崎嶇。

送周元吉顯謨左司將漕湖北

楊廷秀

君詩日日說歸休，忽解西風一葉舟。黃鶴樓前作重九，水晶宮裏過中秋。職親六閣仍金馬，喜入千屯看木牛。繡斧光華誰不羨，一賢去國欠人留。

又見周郎攜小喬，武昌赤壁醉嬌饒。蜀江雪水來三峽，吳苑風煙訪六朝。秋月春花出肝肺，新詞麗曲入笙簫。歸來却侍金鑾殿，好看霜毛映瑀貂。

彼此江湖漫浪翁，相逢遠宿省西東。兩窮握手論詩後，一笑投膠入漆中。臨水登山公別我，青鞋布襪我從公。貂裘已博江西艇，只待黃花半席風。

送沈虞卿秘監修撰將漕江東

楊廷秀

蓬萊仙伯沈東陽，領袖諸儒大極旁。東壁二星雲漢近，西山群玉簡編香。雞翹豹尾無多子，錦纜牙樁有底忙。惟建江山入詩集，却歸天上侍虛皇。

送韓子雲檢正將漕江東

楊廷秀

宰士仍名士，詩人更德人。還家桐樹古，攬轡繡衣新。不以尋邊雪而忘句，裏春登庸衣鉢在得。戀大江濱。

送沈虞卿秘監將漕江東二首

洪邁

天上圖書群玉府。仙晨日月道家山。行行合在煙霄地。去去猶參論議班。使者繡衣看更好。從官華鬢未應慳。塞雁了却江東事。不到終更便賜環。

無復同趨尺五天。湖山佳處想聯翩。看君揮手謝送者。使我銷魂惟黯然。閉雨不成張祖席。停雲空自寄詩篇。過家莫作多時任。聞道東人正可憐。

送陳魯叟使君赴廣西漕

劉克莊

闔郡留無計。匆匆奪父師。使君三月政。遺老百年思。遠宦生華髮。輕裝載舊碑。海山應有恨。未得謝公詩。

送林子方吏部將漕江東

樓鑰

光堯二紀煥文章。寶閣岩巖謹秘藏。寓直到君才第四。皇華禮

樂遠增光

望郎二度到長安。垂上青雲作好官。暫向江東一澄按。却歸徑眷侍臣冠。

自說嵇康七不堪。上教持節向江南。江南父老應相賀。見說清名似晦庵。

寄江東真漕德秀

劉漫塘

金陵千古帝王都。肉食何人解遠圖。只有愛民真學士。不慙通務漢二儒。

餞雷都運

楊廷秀

朱幡玉節偏南紀。錦帳綾衾擁望郎。使星下臨冀軫旁。西山南浦回風光。

威權自與轉輸同。僕從衙庭事事雄。十郡山河關職掌。一門忠孝是家風。

贈漕運夏等丞 魏野 送傅安道將漕七閩 楊廷秀

一代風騷將。百年忠義家。出關稱使者。踏雪看梅花。

獻張禮部 王瑀偁

二十登庸冠列仙。當時便合掌王言。因為甘露蘇黔首。未放祥雲入禁垣。

送周元老將漕湖北

職親六閣仍金馬。喜入千屯看木牛。繡斧光華誰不羨。一賢去國欠人留。

送杜侍御陝西轉運

陳后山

餽糧千里百無策。木牛流馬功不休。關中正須蕭丞相。省內早要富民侯。

勸曲辰使

歷代沿革唐有覆田勸農使宋至道二年以太常博士陳靖為勸農使勸民墾田以大理寺丞皇甫選光祿寺丞何亮副之尋罷景德三年詔諸道轉運使副使開封府知府及諸道知州刺史少卿監以上兼勸農使其餘知州知軍通判等兼勸農事天禧四年改諸路提點刑獄為勸農使副兼提點刑獄公事各賜農田勅一部天聖四年令逐路轉運司自今

勸農一司。更不置司。行遣取索文字。元置勸農使司。有勸農使副使各一人。又有各道巡行勸農使。凡掌勸天下力田之事。

古今事實

請付諸路

天禧四年利州路轉運使李昉請雕印四時纂要齊民要術付諸路勸農司。

請行天下

唐宇文融開元中為覆田勸農使。乃奏慕容琦等二十九人為勸農判官。按州縣括正丘畝。招徠戶口而分業之。又兼租地安輯戶口。使於是諸道收沒戶八十萬。田亦稱是。歲終羨錢數百萬緡。帝悅。拜為御史中丞。然吏下希望融。旨不能無擾。初議者

以生事沮詰百端。而帝意向之。宰相源乾曜等佐其舉。公卿雷同不敢異。惟楊瑒以為籍外取稅。百姓困敝。坐左遷。融乃自請馳行天下。事無巨細。先上勸農使。融與楊慎於父子。以勾剝財物爭行進奉。而致恩堅固。

新編古今事文類聚外集卷之八終

漢耿壽昌常平之任也宋淳化中建常平倉
景祐元年令轉運司與長史舉所部官專領之然
牒寧遠使提領此蓋提舉常平之所始也熙寧七年
又詔三司監鐵判官李杞三司勾當公事蒲宗閔經畫
川蜀買茶充秦鳳熙河路博馬就除提舉成都府路買
茶公事杞於秦州

新編古今事文類聚外集卷之九

南江 富大用 時可 編

金陵 唐富春 子和 刊

諸提舉部

提舉

歷代沿革提舉部漢耿壽昌常平之任也宋淳化中建常平倉

景祐元年令轉運司與長史舉所部官專領之然牒

寧遠使提領此蓋提舉常平之所始也熙寧七年又詔

三司監鐵判官李杞三司勾當公事蒲宗閔經畫川蜀買

茶充秦鳳熙河路博馬就除提舉成都府路買茶公事杞於

宗閣於成都置司後改名都大提舉茶馬事九年府界畿內亦專置提舉常平倉一員不令司農丞兼領提舉常平司操常平歛散之法由嚴免役之政令治荒脩廢賑民艱阨則隸提舉司歲察所部廉能而保任之若疲軟或犯法則隨其職事劾奏提舉常平司掌常平義倉免役市易坊場河渡水利之法因民之有無歲之豐凶而歛散賑濟之凡後錢視其產之厚薄人吏廩祿視其執役車輦凡市易掌歛市之不售比負之滯於民用者乘其貿易以平物價皆舉行其政令以裕民力而阜邦財業按察官吏之事元祐初罷紹聖九年復置政和改元詔江淮荆浙六路共置茶鹽提舉一員宣和三年詔河北京東路推行新法鈔鹽可添置提舉官一員此提舉茶

鹽之所始也茶鹽事舊隸發運司元豐間或以轉運常平官兼提舉或以提刑兼領知通提舉政和以後始專政官吏既而諸路皆置建炎元年詔提舉常平司併歸提刑司二年八月復諸常平官三年復置四年詔逐路提刑司茶鹽司並依舊分東西路紹興二年詔荆湖北路復置提舉茶鹽司四年詔廣西茶鹽司官吏並罷其職事漕臣五年詔諸路提舉常平併入茶鹽司仍以提舉常平茶鹽等公事為名九年置經制司改常平為經制某路幹辦常平等公事未幾經制司罷復為常平官久之復置提舉東南以茶鹽司兼領四川以提刑司兼領紹興十五年戶侍王鐵言常平法望復置提舉官乃命諸路茶鹽官改充提舉常平茶鹽惟四川廣西以憲

臣准西京西以漕臣兼領仍別置官吏
有都提舉漕運使提舉河渡司諸路太鈔都提舉諸路雜造提舉諸監司提舉諸茶司提舉諸管匠提舉諸路弓匠箭匠弦匠提舉四川中興太鈔提舉司使諸路宣課提舉各處鐵冶提舉提舉諸河路渠水利官提舉廣惠司外路平淮行用庫提舉隨用各置都提舉同提舉副提舉等員

羣書要語

康臺康政

並慶元制

朕以常平蠲後之政加惠黎元

初察除方略制

昔在神考取成三代制為常平蠲後之政以利

天下初察除黃琮制淮東煮鹽之利供國用什一命汝以使者節臨之張于湖除韓彥直淮東提舉制掌摘山煮海之利以佐國用皆有鈔法視其歲額之登損以詔賞罰且給之不如期

之不如武與州縣之不加恤者皆劾以聞必能為吾講摘山之制龍溪除起宗制

詩句梅花迎笑錦囊古南斗退避文星寒動搖山嶽細事耳約東海若收波瀾楊誠齋送蔡定夫提舉使廣東

古今事實

入境按吏

潘時字德鄜遷江東提舉入境發賊吏一人故相有為請者不聽竟按逐之列城震聳行部所過延見父老使縣別為軍以次召問所疾苦及吏治得失戒州縣毋得除舍館飾供帳鈐鍵吏卒所過肅然父老歎息以為未始有也文公集

委權劾吏

事文類聚外集

卷之八

三

熙寧十年李稷提舉成都府等路茶場熙河市易事于詔曰川
茶一司創置雖久未能就緒儻非得材智之人益以事權無所
成李稷風力固已可仗然權勢輕小可依李杲例兼三司判官
仍委權不限負舉劾官吏

發倉佐軍

鄭尚書丙提舉湖南李金陷郴州尹寬起寧遠縣以應之衡遂
賊巢提刑託行部以避其鋒常平亦置司在衡公兼程疾趨督
州將治城訓兵復常寧縣民恃以安公乞部軍濟師糧餉不足
發倉佐之賊平協助為多言行錄

拯救活民

公提舉浙東時浙東飢民滿野先生條具利害奏請拯救活飢

民無慮數十萬在任按劾賊吏舉行荒政一路肅然朱文公行狀

為百萬課

李稷提舉成都府等路茶場初蜀茶額錢三十萬至稷加為五
十萬及肇師閔代稷為百萬

易萬匹馬

元符末程之邵乃對徽宗詢以馬政之邵言戎俗食肉飲酪故
貴茶而病於難得願禁沿邊鬻茶以蜀產易上乘詔可未幾易
馬萬匹四朝志

增額十一引

自趙開行鈔法每茶百斤為一木引設商人輸引錢市利八百
文至紹興十三年增為十一引時物價騰踊茶商取息頗厚明

年主管官賈思誠又增為十引三百文於是諸場類皆溢額而賈馬之數復不加多人但知茶馬司之富甲於天下其實所收引錢視建炎倍增後雖破敗不可復減矣 中興係年錄

茶息百餘萬

黃廉嘗按察使陝謂茶政隨事制宜便於公者不苟去以為名害於民者不苟存以為利是歲遂代前官領茶馬事在職歲餘士大夫乃頗見信初陸師閔特歲計茶息以丁百二十萬緡措克欽然無所不至及廉將軍盡除公私之病比數年亦得百二十萬也 長編

原法就功

李穆言一年通計課利錢七十六萬緡上批蜀茶變法穆能推

原法意日就事功宜速遷擢以勸在官

遣使相視

司馬光元祐初相罷諸路塩鐵皆復其舊獨川陝茶以邊用未即罷遣使相視去其甚者

役書可法

鮮于侁字子駿熙寧初范鎮舉所知除利漕兼提舉常平上曰鮮于侁定利路役書可為諸路法

風力世濟

王鎮字承可風力世濟臨事精密建炎復被除擢為湖南提舉茶塩移淮東

上聖德詩

聖德詩

張商英提舉京西南路常平等事公以說獻曰真壽者不死真樂者不憂真治者不亂其說以長久冲澹為主上異其言召還上元豐聖德詩一百二十韻上曰卿不廢學如此耶除館職張丞相商英家傳

奏常平數

公遷湖南提舉常平赴闕奏事上曰卿到任後有民間利害奏之無隱胡北郡常平多所侵用文書類載虛數而已公悉為覈實且奏乞自今諸郡主管官秩滿並以實數付之新至者朝廷可其說自是遇有水旱皆可贍給黃通撰謝殿撰師稷行狀

提舉銀場

胡則字千正提舉江南路銀銅場鑄錢監得吏所匿銅數萬斤

吏懼且死則曰馬伏波哀重囚而縱亡之吾豈重賈而輕數人之命止藉為羨餘仁宗實錄

提舉市舶

紹興二十一年李莊除福建提舉上曰提舉市舶司委寄非輕若用非其人則措置失當海商不至矣莊可發來直議然後之中興會要

古今文集

雜著

浙東提舉到任謝表

朱元晦

擢於偏壘付以外臺便道造朝單車詣部延見父老問其疾苦之因宣布詔書諭以丁寧之意榮逾望表懼溢情淮中謝伏念

臣生長田間棲蓬林壑居然朴拙見謂迂疎潛心切慕於師承
行已敢干於義命會逢聖旦參預時流驟自草萊起分符竹乾
坤太德施且不貲螻蟻私情報於何有屬歎歲民無艱食謂愚
臣職有微勞寵之冊府之華昇以近畿之節雖駑馬之十駕後
者鞭之然鼯鼠之五窮技止此耳毋乃累公朝之選重以為多
士之羞茲益伏遇 皇帝陛下闢舜四門馭周八柄欲尺寸之
長企用致孱微之品亦收比奉對揚親叨臨遣大明委照不弁
負薪之言零露疏恩更下賜緡之令顧憂所在稱塞為難臣惟
當恪意講求因時施舍不能則止戒小己之便又當官而行慕
古人之報國庶殫毫末上答丘山

廣東提舉謝到任表

楊廷秀

守廷陵季子之墟愧無治行使南粵尉佗之境復拜恩言戴仁
如天反已維谷中謝伏念臣學非世用才不入先幼而讀書亦
竊探壁中之科斗長而試吏顧安知柱後之惠文三年朝班再
歲輔郡進亦思磨礪於各道退則欲布宣於詔條訖無消埃小
補河嶽九天曉日念孤臣將遠於長安四葉秋風忽寵命載驅
於原隰至于南海保彼東方惟所部十有四州去脩門幾四于
里物眾地大壤沃泉甘臣始入疆告厥父老上不忘遠翕然惟
呼海若祝融彈壓波瀾之險朔雲邊雪駢除江嶺之芬暨于幽
遐周弗嘉靖臣以使事官于海邦渙乎榮光展也微福茲益伏
遇 皇帝陛下丕釐駿命恬冒臣舍生日月宣精照朔南而不隔
乾坤有造均雨露以無偏曾是薄材俾將隆指臣敢不輯寧周

察拔去姦貪出納有司但欲委積名雖之滋殖澄清當路庶幾使豺狼狐狸之一空

代淮東顧提舉謝表

汪藻

臨遣江壩方冒責成之寵改除淮甸更叨從欲之仁即至封郵具宣德意蓋始望未常及此雖自謀何以過於伏念臣縣力薄材寒鄉俸族早襲播紳之後浸厲鞭策之榮往涖闡區無補摘山之政頃歸魏闕遽分原隰之華入承當守之清間申喻理財之曲折及瓜尚遠索米為憂蒙造物之寬恩與臨流之近地謂一方稍病失春耕秋歛之常欲比屋皆蘇宜朝令夕行之速其布哀矜之指以寬流冗之民豈臣蠢愚堪此優寄茲益伏遇皇帝陛下恢張治具駕馭人才垂衡聽以並觀遇寸長而必錄

有如孱瑣亦玷使令臣敢不仰承睿訓之下寧不誤淵衷之紹述每懷靡及寧辭四牡之驅馳迄用有成願上三年之計最

代福建提舉茶事謝上表

後兼常平 洪邁

摠浪舶於三吳訖微善狀按雲腹於百越復冒除書揆日間塗挾辰詣部中謝切以漢規先具開邊耀以均輸唐務富藏藉關征而贍本雖有便民之志頗乖實廩之宜紛更旋奪於廷臣捐瘠或隨於軍用迨中世徙場而權各致諸番場地以名錢太抵虛文蔑聞見效備聖明之立制張職守以建官吏偶失於三思事寔成於一切維時改作盡復舊章自非通敏之流曷副班宣之責如臣者猥蒙世賞辱在周行無材能闕閱之勞固宜天退習功利分銖之事豈有寸長曾使華存沾恩紀茲益伏遇

皇帝陛下體天劍健措國清寧摠六服以收賢明德遠矣訪萬
幾而詢政使人器之遂令朝者之微亦玷輔軒之寄臣敢不哀
多益寡散滯取贏一身而二任之加勉祇承於上意三登遺九
年之食庶還定於王民

廣東提舉謝到任表

劉克莊

起廢察州從天而下便私易部遵海而南具布漢條初行粵俗
臣中謝臣切稽使指備載聖經君之遺臣也有光華臣之報君
也以忠信今百端之供億殆遍國中餘一髮之本根獨惟嶺外
方且糴舟之發銜尾離鈔之取及膚空熙豐以來之儲增紹淳
味有之額使賈生之及見哀痛謂何雖劉晏之復生變通安出
乃如臣者豈其任哉嘗試絃歌本必賤言游之緒論道分符竹

慕陽城元結之遺風父間退而里居九關踈於時務疚心徒切
着手應難惟有清修革彼匪苞之類詎宜謬巧取諸荷若之間
民生成不自聊臣死奚足塞責矧都邑之二風尤熾與間閭之
五瘡未蘇曾是人微欲其身率茲益伏遇 皇帝陛下記功忘
過舍短錄長謂一男子妄上書本緣愛主屬見大夫無可使遂
取充貪庶令荒遠之情悉達靖淵之聽臣敢不褻帷而訪草奏
以聞惟無瑕者戮人必先已責以不貪而為寶少戢吏饕

撰常平恤民制書

唐子西

夫理財所以養民養民所以阜財知理財而不知恤民則民且
散矣安得財而理諸財用不足而加賦擾民其害有甚於是者
則財亦不可以不理此常平之法所以必不可廢雖廢而必復

也雖然徒法不能以自行故國家部置使者任之以權授之以
 成書使專董其事予欲使民仰事俯育足以自給汝為予欲使
 民凶年飢歲無流離失業汝恤予欲使民疾苦呻吟有以自達
 汝聽予欲使吏奉法惟謹無意外弊空以侵漁小民汝察庶民
 艱食赤子開口仰哺嗷嗷吏或恬視不察主撮民所不欲吏或
 牽課抑強以利歲入之贏數期會未至吏或文移四出係累敲
 朴以要治辨之功汝其糾戒必罰無赦於戲有弊吏無弊法立
 法之意至寬至厚條日至纖至悉至明至白汝推行之無俾民
 受其害而歸咎其法無俾累意之人得以藉口譏詭無謂朝廷
 不汝聞知朕言維服其聽無怠

論常平倉

余靖

臣聞天下無常安之勢無常勝之兵無常足之民無常豐之歲
 由是古之聖王守之有道制之有術儻有緩急不可無備伏觀
 真宗皇帝景德中詔天下以逐州戶口多少量置上供錢起置
 常平倉付司農寺孫帳三司不問出入每年夏秋兩熟准市價
 加錢收糴其出息本利錢只委司農寺專掌三司轉運司不得
 支撥自後每遇灾傷賑貸使國有儲蓄民無流散者用此術也
 前二司使姚仲孫今春已來於京東等處借支司農常平錢以
 給和買雖然借支官錢以充官用循常視之似無妨礙若於經
 遠之謀深所未便臣切惟真宗皇帝聖慮深遠臣敢梗槩言
 之當今天下金谷之數諸路州軍年支之外悉充上供及別路
 經費見在倉庫更無餘羨所留常平本錢及斛斛等若以賑贍

事類彙編卷之九
飢荒此固常慮所及矣萬一不幸方隅小有緩急常給資糧應
卒可備豈非先皇暗以數百萬之資蓄於四方者乎今若先
為三司所支則天下儲蓄盡矣伏乞特降指揮三司先借支常
平本錢去處金仰疾速撥還今後不得更有支撥金依景德先
降敕命施行又聞昨來遭旱州軍司農寺至今未曾指揮出糴
斛斛伏乞指揮司農寺遍牒諸路州軍應合出糴斛去處金
仰疾速開倉減價出糴無使人民失所此實惠民之急經國之
要者也

議茶

何恭

農桑貢賦王道之本也管權雜稅王道之末也善為國者重其
本而輕其末不善為國者久是由堯舜至文武皆重其本者也

由秦漢至隋唐重其末者也重其本故薄征輕斂而天下有仁
義之俗焉重其末故急徭橫賦而縣官遂興管權之利焉管權
之利茶其首也當漢武之時兵食國用皆不足雖群臣獻策盡
籠天下之貨然茗薺之利猶不之取歷代議者亦未嘗一言及
之至唐永泰中天下耗竭莫或為計乃有趙贊首陳稅茶之策
正元之後又兼張滂之謀雖權宜立制一切不合於古然亦未
至於摧也建平文宗當李訓輔之恣為詭說以惑其聽內則恫
輒注姦邪之議外則資王涯刻暴之苦始立使號以摧茶為名
茶之有推自此始也于時新令一出所暴虐者甚眾以是故身
伏大誅爾後賢臣繼世一興一廢或以慘急而行之或以仁慈
而議之如裴休者則欲去權復稅以什一之法如令狐楚者則

欲通商惠衆以增上下之便雖深究利害各極當時之宜然行之一朝流弊千載國家勃興昌運撫有萬方四聖接武澤流生民所先者仁義之化也所行者禮樂之教也所敦者農桑之業也所後者管榷之利也然卒以資國用而充兵食者權貨一局尤爲劇大焉自曩歲群臣定議隨土宜而制之或禁其私鬻以充郡縣之課或通商人以洩縣官之利各任其俗成乎便宜以今觀之則禁者誠非而通者誠是也何則茗者山林之所產也山林者人力之所管也所管者博則所生者衆所生者衆賦歛者舒則常生之業畢出於是矣今乃申嚴號令窒其私鬻之路欲使民利一歸於公權歛之計誠得其術曾不知弊生於下而抵冒之獄闐然而起矣及其不勝也然後從而加之民或至

死亡而不懼令或至峻烈而無益久不易則無乃傷仁慈之政乎而又上之人急繼以千艘一歲之庸動輸百倍傷財暴衆無天於此故曰禁者誠非也今若普治天下均其常法上則蓄之以爲大局下則通之於商人其直也就中都而入之其名也由外郡而興之俾夫周旋海內自受其益所過關市則悉增其稅所至郡國悉弛其禁大可以減縣官每歲之用小可以息生民抵冒之獄此謀一立萬世利之故曰通者誠是也二者之論期於一擇

論岑水場事宜劄子

洪邁

臣前日進對伏蒙聖慈垂問坑冶利害及韶州岑水場興廢曲折頃歲先臣謫處嶺外臣隨侍往來數至其處問父老所談見

石刻題識方其盛時場所居民至八九千家歲採銅鉛以斤計者至數百萬自建炎以來湖湘多盜浸淫及於英韶焚掠死徙無有寧歲今所存坑戶不能滿百利人既鮮飢寒切身無由盡力為國興利地不愛寶銅山固自若也今陛下留意泉貨方大興鼓鑄非多得銅不可雖使提點一司朝暮趣辦然必州縣有乏乃能副急故其要莫若博議復興此場興之之要在於多得坑戶而瘴癘之地黃茅極目人不樂居其勢不可徙民又不可徙兵是豈終無策乎臣切見諸路所治密惡強盜及在法受賍殺人可愍而特旨貸命者大抵皆配廣南終身不得歸一歲之間亡慮數百輩日月益久多復沈命若使自今以往一切配此場為兵押之鑿山采銅隨所得中分之以其半入官其半與之

而官以平直就買仍與之約若至場以後不逃佚不犯罪者量其元犯輕重所入多寡分為三等各立配役年限限滿則為給公據還鄉為民此等雖惡黠不逞知有自新之路又有半直可以贍生必將欣然樂於赴役萬萬不疑所患獨盜賊而此曹之力自足拊禦不與異時平日此也至於養兵築室器用之費非韶州所能給當仰轉運司轉運司亦或不繼獨廣東鹽運司有所備買鹽剩錢貯於都倉其數不鮮取而用之未足為損但亡命群聚意外不可無防事須官軍彈壓韶州舊屯殿前左翼軍數百人有統領官一員可以就付節制而令上隸提點刑獄司使之察軍中刻剝侵牟及非理役使之過蓋提刑司實同共評議上其所當行者及別下坑冶司治其條自俟其奏至却令

刑部立所謂配後及放還之法苟如此策行之三年當有日新
之利臣區區管見未詢於衆所懷如此不敢不盡乞賜聖察取
進止

古詩

送鄭惠叔司封江西提舉

樓鑰

君名北斗魁步武上霄極蓬萊群玉府圖書照奎壁郎官應列
宿寢覺象緯逼胡爲作使星炯炯向江國仰奉鶴髮親版輿映
萊服昔日紅蓮池帥垣資婉畫方將散餘潤連城被膏澤官摧
與民繇豐儉煩振耀小試活國手疲毗賴休息便歸侍玉皇拱
立香案側富貴殊未已行行上鷲掖君其妙演綸三能看齊色
送楊晦叔提舉浙西并寄陳表道樓鑰

兩兩郎星映使星老人星彩對晶明褰帷共喜行畿甸洗印仍
欣就帝城五馬况當恩始拜三吳從此政尤清便看瑞氣來稱
壽同聽嵩呼萬歲聲

送羅春伯太著提舉浙西

楊廷秀

鼎鼐聲名彼一時夫君下筆與渠齊承明厭直辭金馬英蕩非
閑訪碧雞山嶽動搖增氣色詔書宣布舞群黎歸期只在千秋
節留賦蒼苔鳳掖西

送謝子肅提舉寺丞

楊廷秀

天台山秀古多賢晚向池塘識惠連十載江湖州縣底一言金
石冕旒前方陪廷尉甘棠舍又賦皇華小雅篇拾得澄江春草
句端能染寄不登牋

送趙民則少監提舉二首

楊廷秀

漢庭近白少宗盟博選宗英副匠卿高帝子孫誰宿德翰林風
月得先生又持一節湖南去政是三湘鴈北征但使遠民蒙福
了早歸詞禁賦新鷺

又

座主門生四十年江湖契濶幾風煙同朝再接再行裏握手相
看鶴髮前誤喜論詩追舊事不知呼酒是離筵老懷只作還山
夢輸與先生早着鞭

送別邢懷正直閣赴江西提舉二首

周必大

大江西畔米流脂歛散新陳倚繡衣旗展春山千嶺暗霜飛暑

路萬艘歸朝家法備農商信臺府官閑按牘稀廬阜虎溪天下
景未妨行部款禪扉

又

二年踈懶累深知喜見白華授節時歸里欲依東道主登畿恰
負北山移黃閣遙想前驅弩白下空攀遠別枝坐席未温公不
觀却從南蕩候旌麾

送陸務觀赴七閩提舉常平茶事 周必大

漢皇親召賈生還京洛爭看北海賢却畏神仙足官府便思風
采燥雲烟暮年桑苧毀茶經雁為征行不到閩今有雲孫持
使節好因貢焙祀茶神 寫樓積棘已多年父老猶傳住簿賢
扶杖喜迎新使者赤帷何惜與高褰 疲篤父抱直明光風味

富恩十八娘擬請一麾依故舊得無公道學蘇草

送黃景聲秘丞提舉浙西

樓鑰

江有無雙第十人清名久矣動簪紳心平氣勁無偏黨好在皇朝作爭臣官家親擢得真才柏府蘭臺更外臺未問遺驅向丘壑半塗應有詔書催從來軒冕一毫輕朝蹟初收去玉京打破畫瓶無入事不妨遊戲繡衣行論詩纔了便談禪鄙吝冰消竟豁然稽首心空先及第敢將奈未論同年玉節光華照日畿楊清激濁止當時阿連幸出百僚底正恐翁歸不受私

送衛河叔著作題舉淮東

樓鑰

漢庭早已冠群仙闊步登瀛最少年切歎豈惟年叵及人門才業總翹然通泰牢盆巨海濱官家專欲用儒臣淮南草木生

顏色又見龍頭第十人

虎榜先登到鳳池前良多以十年期

雖知勇退流急去壯歲功名會及時美君持節拜庭闈未老雙親着絲衣若過蓋公煩問信坐曹日念舊游稀府舊為叔局衛乃蓋侍郎婚

又

屢從樽酒接從容叔寶風姿照座中他日相逢年益老墓壇尚可角雌雄

諸鹽使

副使

諸鹽場管勾

同管勾

歷代沿革漢置均輸鹽鐵官宋則茶鹽皆隸於提舉司管領之

其屬有監鹽之員

元亦有諸提舉使副使又有監場管勾

同管勾之職

羣書要語膠高舉於魚鹽之中孟齊管仲魚鹽富國管子推東

池鹵其息倍稱元微之行唐慶制以幹蠶之才領鹽鹵之務管

推條制動皆得宜白集裴弘泰制局課衍盈胡文恭行姚穎制

商利苟者以饒衍名最同上行賈穆制鹽鐵推東之籍杜牧行

李鄂制往幹半盆之入頗增近監之饒胡文恭行劉繼制征筭

之饒衍於局次同上行牛拱辰制臨筭推之局置無遺力沛有

羨緡行毛維藩制

古今事實

均輸鹽鐵

漢置均輸鹽鐵官食貨志

舉於魚鹽

見前要語

魚鹽富國

見前要語

國用益饒

崔公僉幹池鹽于蒲脩牢盆謹衡石煎和既精飽散乃盈商通而荐至吏懼而循法幾不結網而國用益饒歲抄會其所入贏美什百詔下褒其能劉禹錫崔公郵碑

復海陵堰

范文正公仲淹字希文監泰州西溪鹽稅貽書發運使張綸復海陵堰綸表知興化縣仁宗實錄

築捍海堤

范仲淹監泰州西溪鹽稅建白於朝請築捍海堤於三州之境長數百里以衛民由言行錄

目為學士鹽

劉忠肅公摯諱監衡州鹽倉先是倉吏與綱兵姦利相市雜以偽惡人未嘗食善鹽摯來意核視且儲其美以為償弊減十七八父老目為學士鹽四朝國史

古今文集

雜著

錢清塩場廳壁記

劉漫塘

錢清鎮去紹興府四十五里而近有江曰浦陽蓋自婺之浦江發源浦江舊名浦陽也唐志載越州有府一曰浦陽乃府兵之

府城基猶在有橋曰隱兵而錢清之名則不知所始相傳以為錢武肅王誅董昌於浮梁因以得名然近嘗發土得靈助廟捨路記乃會昌中碑已言錢清則名已久矣昌傳言執昌至西江五代吳越世家又言西小江豈正謂此江邪或言後漢父老持百錢送太守劉寵寵各為取一太錢以此表其清云熙寧間部使者盧秉論塩課云越之錢清場江水清淡以六分爲額不言二三江曹娥兩場老吏云崇寧改塩法始以錢清分爲二場場基堆阜四環乃舊教閱之所今猶目為教場亭民本九十餘戶戶每月出塩一席豪民既侵奪其地邑胥又多方漁獵之復有私販通注之擾僅餘二十小戶而額不減使之均出是以重困四五十年來未嘗及額而逋負逾積矣從弟鏞孤苦力學父處上

庠幸取世科項尉東陽頗著能聲轉而爲此不敢不謹無存亭
民既爲之剔蠹疏源又問爲之代稅輸二十八戶欣然如更生
而課亦隨羨遂增九分有奇廨宇建於崇寧二年適百年矣雖
頽敝之甚高宗幸四明略嘗駐蹕其中鏞爲一新之倉使得
十萬錢而爲屋二十餘楹宏敞雅潔什器俱備使亭民之鮮事
者司錢物之出入官吏皆不與居民仰歎以爲前未有也又嘗
爲府中脩山陰兩鄉海上石隄八百丈土塘千二百餘丈添砌
兩堞造甬岸大石橋以便往來亦可謂勤矣去替止三月以書
來求壁記將書前任名氏歲月之詳因爲取其大槩併記之庶
後來者有考云

重修廣州都鹽倉記

洪邁

客從東方來道南粵顧瞻其山川樂甚爲解纜少留時時遊父
老間頗得聞粵中賢大夫事始則手舉枚具一二數不悉客臨
而面之曰丈夫休矣盍置此而新其說乎一人茫然長思食頃
乃言曰客果欲知之邪則吾部使者陸公真其人自朝廷合常
平茶鹽之政相更五六官因仍爲密羨蠹弗剔焉引歲月儲敝
無地而公尋端摘緒書暮管省利出害去迨然一新顧吾能老
而已不暇細語客姑告客以都鹽倉之故嶺南醜鹵爲市與他
道百而吾州南肘大海厥土廣瀉宇益取贏又百他郡異時不
官以臨不詹以貯指庠宇數列借爲倉稱鹽鹽狎至或露積不
墉不泚于奈泥則回入主吏稽商蹄財上下一息公能出笑談
於期年峙屋二百脩廊緜廻簷角騫舞重欄傑棟演迤囁鼻而

吾一民不與知歲計甲乙舊為緡錢五十萬太抵不能滯今直
數月主辦方求益縣官至上百萬未止使得如漢倉庾氏世公
子孫吾儕小人衣食而羨於益足夫客曰父老而不前聞昔公
為蒲陽以忠厚長者近民詠歌不可足至溢為嘉麥靈芝之爵玉
邑之三瑞固已繪諸天朝特書史官持以試南宮士華舉然驚
入惠歎茲土如萬分一方將都通藩取介位鴈行天子從官振
前之光明詔書且下不父父老雖惜亦安得常當而見之及今
成計買石誦烈寄後日亡窮思其可也客故倦游尚能從筆研
事父老亦有意乎皆再拜偃謝曰幸甚願卒如上客教公名渙
字允濟長樂人客番陽洪邁也紹興二十五年四月二十日記
古詩

送元衛弟赴長亭監場

樓 鑰

阿連生而秀二親所甚愛仲兄勤村養遇事輒加誨幹蠱靜而
辨曾次無卑隘今焉職宇益官字臨渤解毋謂官為小要使所
居大毋言才可檢身到纖介我家門戶重衣冠綿數代當以
誠心求子視勿自懈亭民亦良民孰謂俱無賴官吏既擾之兼
并責逋債敷波亦良苦樂歲色尤菜輸塩不得錢何以禁私賣
所在積蠹久良法浸多壞吾聞不無術更當審利害熟視不為
謀空餐媿難蓋不應行一切遽使絕稱貸富者能巧取倍息久
仍在貧者庶少寬公私可緩帶毋年登九十家居幸康泰其家
不從政禮經有深戒幸子去不遠時時可歸拜小別不足惜輕
舟送前邁

諸茶場使

副使

歷代沿革宋有監茶謂之監管官以征榷場務歲有定額以登耗為殿最賞罰凡課利所入逐日具申于州

元有茶場

使副使又有西蜀四川監榷茶場使

羣書要語領筭商車典臨茗局

胡文恭行孫誥制

古今事實

十年管庫

呂希哲前後為管茶庫者幾十年矣

東都事畧

逾年辭去

章望之好學有文監杭州茶庫逾年辭疾去

東都外集卷之九終

